

74.102.121

255

© 2005

Деваланы З. Д.

✓

ОЙНАЙ, БИЛИМ АЛАБЫЗ



КДР

✓

ДЕВАЛАНЫ З. Д.

ОЙНАЙ, БИЛИМ АЛАБЬІЗ


УСТАЗГЪА БОЛУШЛУКЪГЪА

*Къабарты-Малкгар Республиканы
Билим берген эм илму министерстvosу
къабыл этгенди*

-22005



НАЛЬЧИК · «ЭЛЬБРУС» · 2003



74.102.121
Д 255

Д 4306010200-063 2003
М 125 (03)-2003

ISBN 5-7680-1886-7

© Деваланы З. Д., 2003

АЛ СЁЗЮ

«Ойнай, билим алабыз» – дерс китап түйюлдю. Бу устазны көп жылланы ичинде ишини эм оюмуну жыйсабыды, оюнлана бла сейирлик материалланы хайырлана, сабийлени окъууларын къууанчлы эм сейирлик этиуде синаууду.

Алтыжыллыкъ сабийлени биринчи айлада окъутхан къыйын болгъанын сабийле бла ишлеген устазла иги биледиле. Сабийле мардасыз тиридиле, эслери алыхъа тохтасмагъанды, аны себепли, алансы низамтъ жыйгъанда, устаз көп чырмаулагъа тюбейди. Окъуучуну къалай юретсииң тыңгыларгъа, къаллай мадарла бла окъуун сейирлик этсин? Сабийни школгъа биринчи келген кюнүндө жаратылгъан сезимин сакъларгъа боллукъмуду? Аллай амалла уа болурламы? Мени оюмума кёре, бардыла. Алай болур ючюн, билим белгилден окъуучу жарыкт бояуланы, жангы тауушланы, сейир жомакъланы, оюмлу сагъышланы дүниясына кёчерге керекди.

Алтыжыллыкъ сабийле дерсде, эслерин бир затха бурууп, 5–10 минут да тынч олтуралмайдыла. Ала, терк окъуна эригип къалмай, иш көллю болур ючюн, бу пособияда берилген магъаналы мадарланы устаз дерсде хайырлана билирге керекди. Сабийлени эслерин айтылгъаннга буурчы аны, сейирлик материалла бла, оюн халда, акъылларын окъуугъа буурчы табаргъа керекди. Ол заманда дерсде берилген жангы билим эслеринде къаллыкъды.

Дерслени оюн халда баргъанлары сабийлени заманларын ётдюрюрге къуралгъан мадар түйюлдю. Устаз аны билирге керекди.

Быллай дерслени мураты окъуучуланы эслерин окъуу материалгъа бурууду, жангы билим бериудю, сагъыш этерге юретиудю.

Алансы дагъыда бир магъаналары: оюнла сабийлени эслилике, тирнеклике юретедиле, кючлю болургъа, бир тюрлю бир акъылгъа келиширге болушадыла, коллектив жашаугъа да къошадыла.

Аны себепли, оюн дерслени магъаналары сабийлени окъутууда бек уллуду.

Окъуучуланы билимлерин ётдюрюде пособияда жыйылгъан оюн материалгъа «Харфлыкъ» болушлукъгъача къарапгъа керекди. Устаз, дерсге кёре, пособияда берилген ишледен къайсысын да хайырланаңгъа эркинди.

Пособияда материал эки бёлүмгө юлешинеди:

1. «Ойнай окъуйбуз»;
2. «Оюн материал» – элберле, тилбургъучла, нарт сёзле, сёзберле.

Сабийле жомакълагъа бла назмулагъа тыңгыларгъа бек сюедиле, кеслери назму къуаргъа да кюрещедиле. Аны себепли ала сёзлени тауушланы айырыргъа юренидиле, жомакъны ахырына дери къурайдыла. «Таууш оюнла» деген бёлүмде, «Ким эслиди?» деген оюнда тауушнү ачыкълайдыла, ол таууш бла сёзле къурайдыла, тауушланы эшитилиулерине эс бурадыла. Сабий кеси аллына тауушнү анализ этерге кюрешди, акъылын, эсин, билимин ётдюреди.

«Сёзню ахырына дери айт», «Аукцион» деген оюнлана билье сёзню къуру тауушланы бла танышып къалмайдыла, сёзню магъанасыны юсюнден сагъыш этедиле, ачыкъ айтыргъа юренидиле. «Базыкъ» бла «Назик» деген оюнлана окъуучула базыкъ эм назик ачыкъ тауушла бла танышадыла. «Жокъла» («Перекличка») деген оюнда, дерсде къайсы тауушнү окъугъанларына кёре, ол таууш кимни атында бар эсе, ол сабий ёрге турады. Бу оюн дерсде окъулгъан тауушнү жангылмай айырыргъа болушады.

Дерсни экинчи бёлүмнөндө берилген элберлени устаз кеси сайларгъа боллукъду:

устаз әлберни айтады, окъуучу аны жууабын табады, әлберни жууабы къайсы тауушдан башлангын тоз белгилейди. Сабийлени окъутууда әлберлени магъаналары уллуду: төгерекде халны, жашауну көп тюрлю жаны бла ангыларгъя, тиллерин ба-йыкъландырыргъя, эслерин әм акъылларын ёсдюрюрге болушады.

Тилбургъучла тауушну тоз айтыргъя әм эшитирге юртедиле. Ол затлагъя же-тишир ючюн, сёзлени женгил әм тоз айтыргъя, кёлден билирге керекди. Хар дерсде окъуучула бир тилбургъучку кёлден билирге боллукъдула.

Нарт сёзле халкъыбызын тил әм акъыл байлыхъларыдыла. Кеслери да, сабийле-ни эслеринде къалырча, къысхадыла. Нарт сёзлени дерсде тоз хайырлана билген, ал-ны сабийлеге гитчеликден юртетген да бек магъаналы ишди.

Мен мураг этгенинге кёре, «Ойнай, билим алабыз» деген пособие сабийле бла иш-леген устазлагъя дерслерин сейир ётдюрюрге болушурукъду, сабийле да школгъя сю-йюп келирча, дерсни ашыгъып сакъларча этерикди.

Автор

A a

Фонетика зарядка. Доктор, адамны тамагъына къарай туруп, не айтдырады? (А-а-а...) Къызычыкъ, гинжини жукълата туруп, не айтады? (Аа-аа-а-ааа...)

Бек если кимди?

Хар сёзде бирча тауушну айтыгъыз.

Алма, чабакъ, тауукъ, айыу.

Ким кёп сёз къурайды? (Оюн.)

1. [а] таууш аллында болгъан сёзле къурагъыз: *акъыл, айып, амма;* ортасында: *сабан, батан, мароко; акырында: сырға, турма.*

2. [а] таууш бла башланнган адам атланы айтыгъыз.

Алим, Ако, Аминат.

3. [а] таууш ортасында болгъан адам атланы айтыгъыз.

Шарапий, Халиймат, Хамит.

Билляча

4. Устазны сорууларына жаланда [а] таууш бла башланнган сёзле бла жууап этигиз.

- Сени атынг неди?
- *Асият.*
- Тукъумунг а?
- *Асанладан.*
- Сен къайдан келгенес?
- *Акъ-Суудан.*
- Сен къаллай кёгетлени билесе?
- *Алма, айва.*

Жомакъчыкъ къурайдыкъ. (Байламлы тилни ёсдюрюо.)

Бизни агъачлада бир жаныуар жашайды. Аны аты [а] таууш бла башланады. Ким биледи, ол не жаныуарды? (*Айыу.*) Айыу бек скойген затладан бирини атыны ортасында [а] таууш барды. Ол бек татлы затды. Ол неди? (*Бал.*)


Бир жол айыгу балаачыгъы бла бал излерге атланнганды. Бир уллу терекке минип, бал чибинле болгъан тепикке бурунун сукъгъанды...

(Андан арсын сабийле кеслери къурайдыла.)

ОЮН МАТЕРИАЛ

[А] таууш бла сёзбер.

[А] таууш ортасында болгъан тиширыту атла къурагъызы.



Назиля

Марзият

Зайнаф

Нажабат

Уугъа кюндюз чыкъмайды,
Жаныуардан букъмайды,
Урса – ёгюзню жыгъяр,
Тойгъанлай, жатып жукълар. (*Арслан*)

Багъасына багъа жетмеген,
Ёмюрюнде сыйы кетмеген. (*Акъыл*)

Арымаз, талмаз, нёгеринден къалмаз. (*Ауана*)

Соруу элберле

1. Алтындан багъалы не затды?
– Акъыл.
2. Юйню жарыгъы nedи?
– Ана.

Нарт сёзле

Нарт сёзлени магъаналарын айтыгъызы. Сёзледе [а] тауушну белгилегиз.

Ариу сёз – жанинга азыкъ,
Аман сёз – башха къазыкъ.

Адамлыкъ иши бла билинир.


Тилбургъуч

Алакъайым – солакъай,
Атдан кетди Алакъай.
Анасы жарсып жетди,
Атасы айып этди.

Ёлmezланы Мурадин.

Терекле сёзбери

1. Эм ариу терекледен бири. Сюйген жери – суу боону.
2. Жсангы жылда аны илляула бла жасаучудула.
3. Кыш да, жаз да жашиллей туроочу, ийнели, бийик терек.
4. Бу терекни чакъгъан кезиую аламатды. Кёгети уа – саргъыл, татлы.



Тал
Назы
Нарат
Шаптал

Назмула (бир назмуну кёлден билирге боллукъду).

1. Айыгучукъду ариучукъ,
Боюнчугъу акъды.
Ариучукъду айыгучукъ,
Аты да – Бойнакъды.
2. Агъаз, Агъаз, Агъазчыкъ,
Пилге, Арсланига базчыкъ,
Бёрю жыйынны къырды,
Къапланнны ткойдю, къыркъды.
Аперим Агъазгъя!
Аперим Агъазгъя!
Аперим!

Ёлmezланы Мурадин.

АЙЫГУ

Бойнакъ айыу жашайды
Ариу малкъар таулада.
Мур-мур эте жюрийдю
Агъачлада, къоллада.

Къыш куркада жатады,
Къыш табанын жалайды.
«Жаз къачан келеди?!» – деп,
Ашыгъышлы къарайды.

Ант этгенча киреди
Улсына – тешикгө,
Къыш узууну куркадан
Бирда чыкъмаз эшикге.

Жаны, тини, сюйгени –
Балдан къарны тоймайды,
Бал батманны урлайды,
Аппамайын къоймайды.

Шахмырзаланы Сайд.

Б б

Фонетика зарядка. Къозу къалай макъыграды? (Be-e-e...)

Бек если кимди?

1. Хар сёзде бирча тауушланы айтыгъыз.

Бёрю, балли, бузоу, балта, баппуш.

2. Бу сёзлени ал харфларын бирге къошуп окъусагъыз, бизни республикада шахарладан бирини атын табарыкъызы.

Быхы, аслан, сарымсах, хораз, алма, назы.

3. «Базыкъ» bla «Назик». (Оюн.)

«Базыкъ» (базыкъ тауушланы нёгери). «Назик» (назик тауушланы нёгери). Класс эки къаумгъа бёлюнеди. Устаз [б] таууш болгъан сёзлени айтады, [б] таууш базыкъ эшитилсе, биринчи къаум къобады, назик айтылса уа, экинчи къаум къобады.

С ё з л е: *борсукъ, бичакъ, басха, боран, билим, белги, бармакъ, быхы, билеу, бал.*

4. Сёзню ахырына дери айт.

Устаз сёзню биринчи бёлюмюн айтады, сабийле уа ахырын къошадыла.

Бай... (-ракъ), бо... (-лүш), би... (-лек), бо... (-юн), бох... (-ча).

5. Назмучукъда [б] тауушу болгъан сёзлени табыгъыз.

ГУТЧА БЛА ЖАНБОЛАТ

Неди, неди бу жабу?
Не хахайды бу, табу?
Гутча кимге чабады?
Къач, Жанболат, къабады!

Гутча, юрме Болатха,
Бурул, бурул сен артха.
Жилягъан – Болат тюйюл,
Таш атхан – къонакъ тюйюл.


Болат хыли этмейди,
Жерге сют да тёкмейди.
Тёшеги да къуу тюйюл,
Чындалары суу тюйюл.

Ол тиймейди бичакъгъа,
Ерлемейди ожакъгъа,
Юрме, гутча, Болатха.
Минсин Болат тор атха!

Зумакъулланы Танзилля.

ОЮН МАТЕРИАЛ

Б жарф bla башланиган сёзбер



Элберле

- Сууукъ болса, семиреди,
Суусалха сууну сюеди,
Кюн тийсе, жиляп турады,
Къыздырса – къачып барады. (*Буз*)
- Таудан-тюзден жыйылама,
Тинг тещикге къюлама,
Мени чайкъап ашайдыла,
Мени махтап жашайдыла. (*Бал*)

Соруу элберле

- Ананы кёз чырагъы неди?
– *Бала.*
- Дунияда арый-тала билмеген не затды?
– *Баргъан суу.*
- Адамны къанаты неди?
– *Билим.*

Нарт сёзле

Нарт сёзлени магъаналарын айтыгъыз, [б] тауушну белгилегиз.

Билек бирни жыгъар,
Билим мингни жыгъар.

Байлыкъдан саулукъ ахшыды.

Баш болса, бёрк табылыр.

Берген къол алгъан къолдан сыйлыйды.

Тилбургъуч

Билдим, билдим, билляча,
Биллячагъа чомача.
Чомача деген – чум терек,
Терек деген – темир къая,
Къая деген – къамичи баш,
Баш деген – бармакъ тогъай,
Тогъай деген – токъсу малик.

Санаучукъла

1. Бирем-бирем, экем-экем,
Бауур олтган, сапдан къалай,
Ёлло бугъя, сары тай, тору тай,
А-а малтай, ча-а малтай,
Ичи балтай, чыкъ, Тотай.

2. Бир, эки, юч, тёрг, беш,
Бар да, бузну сен теш.
Тепмесенг а – кетебиз,
Сенсиз оюн этебиз.

Х а л къ д а н.

Элбер

Тишим жюз. Ишним тюз.
Арбазгъа чыкъым да кюз,
Тарт-соз этдилемени,
Сыйыралмай бир-бирден.
Ачыуланыш, эменни
Төммек-төммек этдим мен. (*Бычхы*)

Ёлmezланы Мурадин.

Назмула

Барды мени бир къызыым,
Минчакълары къып-къызыл,
Ашасанг – балдан татлы,
«Бал» деп башланыр аты,

«Балгъя» къюшулады «л»,
Ызындан келеди «и».
Бирге окъусанг – «балли»,
Ашасын сабий-балий!

АНДА БОЛ ДА, МЫНДА БОЛ

Анда бол да, мында бол,
Балдражюзде юйде бол.
Анда тур да, мында тур,
Балдражюзде юйде тур.

Халкъдан.

БУЛБУЛ

Жайда ариу кюнледе
Терекледе, гюлледе
Учад, жырлайд булбулчукъ,
Жокъду мындан ариучукъ.

Жай кюнлени узуну
Жырлагъандан ол тоймаз,
Бутакъладан бутакъгъа
Учуучугъун ол къоймаз.

Жай танглары атханда,
Ахшам кюнле батханда,
Жырлап, жюрек ачады,
Хансла гюлле ачханда.

Шахмырзаланы Сайд.

В в

Фонетика зарядка.

Сабийчикле, машина бла ойнай туруп, къалай
айтадыла? (В-в-в...)

Бек если кимди?

1. Сёзледе бирча тауушну табыгъыз.

Завод, витамин, вертолёт, Волга, велосипед.

2. Устаз айтхан сёзледе [в] таууш бар эсе, жапчыкъла ёрге турадыла, жокъ эсе уа – къызычыкъла.

Билет, вагон, врач, ферма, диван, чабакъ, вокзал.

3. [в] тауушу болгъан адам атла айтыгъыз.

Валя, Володя, Виктор.

ОЮН МАТЕРИАЛ

Элбер

Ёгюз тюйюлме – мюйюзлерим а бар.
Ат да тюйюлме – иерим а бар.
Тайчыкъ да тюйюлме – къонгуроуум а бар.
Къамичи тийирмей, ёзенгимден басар
Манга миннген,
Ойнаргъа суюген. (*Велосипед*)

Ёлmezланы Мурадин.

Тилбургъуч

«В»-гъа сёз кёп изледим:
«Вовачыкъ, сен айт», – дедим.
«Вертолёт», – деди тенгим,
«Вездеход», – дедим кесим.

Ёлmezланы Мурадин.

Г Г

Фонетика зарядка.

Къазла къалай къычырадыла?
(Г-а-га-га...)

Бек если кимди?

1. Хар сёзде бирча тауушну айтыгъыз.

Гогуш, гёбелек, гумулжук, гинжи.

2. Назмуда [г] тауушу болгъан сёzlени эсигизде тутугъуз.

ГЫЛЫУЧУКЪ

Кёгергенди гелеучюк,
Кёк дуркъуда Гылышчукъ
Зауукъ жубанч табады –
Чаришечча чабады.

Тирилди дей баласы,
Къууанады анасы.
Алай тынгысызды ол –
Чынгылгъа жууукъду жол.

Бош тынгысызды ана.
Чёрчек Гылышчукъ аны
Кёреди – тёшден кетмез,
Анасын мудах этмез.

Кёгергенди гелеучюк,
Къууанады Гылышчукъ
Жарыкъ кюннеге, кырдыкга,
Къайгъы этмей бир жукъгъа.

Отарланы Керим.

Ким кёп сёз къурайды? (Оюн.)

1. [г] тауушу болгъан сёzlени эсигизге тюшюрююз.

Гуржаба, гебен, гаккы, чага, гёжеф, Герпегеж.

Билляча

2. Устазны хар соруууна жаланда [г] таууш bla бапланнган сёzlени айтыгъыз, сёз ючон:

- Тенгинги аты неди?
- Гилястан.
- Тукъуму уа?
- Гюргөкъладан.
- Ол къайда жашпайды?
- Герпегежде.

ОЮН МАТЕРИАЛ

Элберле

Бирдө башын кёгертирип
Неда къызылгъа бояр,

Бурунун ёрге жыйырыр
Неда къычырын созар,
Къызыл затны сюймейди,
Къозутмасанг, таймейди. (*Гогуш*)

Арбазны «эрке жашы»,
Бек ёхтемди атлашы.
Ариу кийим киеди,
Махтаныргъа соеди.
Ачыуланса – кёбеди,
Бир арсарсыз тебеди. (*Гура*)

Жыйсам – жумдурукъ,
Жайсам – ундурукъ. (*Гюлменди*)

Ары жаны – акъ къая,
Бери жаны – акъ къая,
Ортасында – сары мая. (*Гаккы*)

Тилбургъуч

Гылльку-гылльку, гылльучу,
Гыллычукусь айгъа уча.
Гыллыг чычхан – гудуда,
Гелляланы гумуда.

Ёлmezланы Мурадин.

Сабий булжутуу

Гагу, гагу, гагула,
Гагу такъгъан тыбына,
Тыбынаны табайыкъ,—
Ким озады – чабайыкъ.

Мёчюланы Кязим.

Назмула

ГЫЛЫУЧУКЪ

– Гыллычукъ алай жортады,
Къууады ауанаасын.
«Чурукъчукъларын жыртады»,—
Деп жарсымай анасы.

Гыллычукъ алай жортады,
Сен а, жигит, айтчи, нек
Чурукъчукъларын жыртады
Деп къайгъырмайды эшек?

— Айтма, айтма ётюрюк,
Тепдиресе къаяны.
Табалмазса, жюз кере
Къыдырсанг да дунияны,

Гылышукулакъла тюкен,
Не чурукъукъла тикген.
Орайда-ра, орайда —
Не чарыкъыкъла тикген!

Ёл мезланы Мурадин.

ГЮЛЧЮКЛЕ

Ой, гюлчюкле, гюлчюкле! —
Сары-къызыл кюнчюкле, —
Жашилчикле, акъчыкъла,
Ариучукъла, тапчыкъла!

Кёзчюклеригиз, жарыкъ
Жүлдүзчукълача, жаныш.
Чыкъынсыз тюзге, таугъя,
Къууат бере жашаугъя.

Гулийланы Мажит.

Гъ Гъ

Фонетика зарядка. Макъа къалай гъурулдайды?
(Гъур-гъур-гъур...)

Бек если кимди?

Устаз айтхан сёзледе [гъ] таууш бар эсе, жашыкъла ёрге турадыла, жокъ эсе уа — къызычыкъла.

Агъач, мияла, къаргъа, багъа, гыржын, агъаз, къагымт, газет, къузгүн, гинжи.

Ким кён сёз къурайды?

1. [гъ] тауушу болгъан сёзле табыгъыз.

Сагъат, къумгъан, жагъа, агъач, тогъуз.

2. Сёз бёльюм аукцион.

Устаз сёзни биринчи бёллюмюн айтады, сабийле уа сёзни ахырын къошадыла.

Жүггү... (-тур), дүггү... (-ма), чыгга... (-на), магга... (-на).

3. Ажашхан бёллюмлени жерлерине къайтарыгъыз.

Гүз – то; гә – ба; гүр – зы; гә – бу.

ОЮН МАТЕРИАЛ

Элберле

Сенг, сенг, сенг бара,
Сегиз теке тенг бара,
Сакъалчыгъын сылай бара,
Къангачыгъын къурай бара,
Таугъа айланып жиляй бара. (*Сабан агъач*)

О, кёгерек-кёгерек,
Эки саргъыл тёгерек,
Таугъа минселе, тагъыла,
Таудан тюшселе, жыгъыла. (*Алтын сырғала*)

Нарт сёзле

Нарт сёзледе [гъ] тауушну табыгъыз, магъанаасын айтыгъыз.

Тойгъан жерден – туугъан жер татлы.

Адамлыгъы болмагъан кийими bla танылмаз.

Аман азыгъын ташада къабар.

Назмучукъ

МАКЪАНЫ ЖЫРЧЫГЪЫ

Секиртмечигим, гъур-гъур,
Сенгирчекчигим, гъур-гъур!
Тоюп жукълагъан гъур-гъур,
Оюнчукълагъа гъур-гъур!
Тур-тур, секиртмечигим, –
Къор-къур сенгирчекчигим.

Бегиylanы Абдуллах.

Д д

Фонетика зарядка. Накъыра къаллай таууш этеди?
(Ду-ду-ду...)

Бек если кимди?

1. Бу сёзле къаллай тауушдан башланадыла?

Дарман, дырын, дарий, дуру, дорбун.

2. Сёзлени биринчи харфларын бирге къошсагъыз, бизни халкъыбызыны жазыгучуларындан бирини атын билликсиз.

Сохан, адам, киштик, ийне, йод, наша, ат, тана.

3. Битеу сёзледе къаллай таууш тюбейди?

Доммай, дарман, адам, дидин.

4. Устаз айтхан сёзледе [д] таууш болса, сабийле ёрге турадыла, болмаса уа -- турмайдыла.

Көнга, юлғю, дауур, түүдүкә, гитче, чюгюндюр, дуния, дуппур.

5. Сёз бёллюм аукцион.

Да... (-даш), Дарий... (-на), дау... (-лаш), дур... (-күү), ди... (-ван).

ОИОН МАТЕРИАЛ

Элберле

Къымылдамай, тепмей,
Таш сарыуек жатады.
Кюн сайын, кем этмей,
Бир къой сюрюо жутады. (*Дорбун*)

Сырты - дукъур,
Башы - дугъур,
Тюгю - къонгур. (*Тюе*)

Жаз келди да - тас болду,
ол жатхан жер ханс болду.

Тас болду -
ханс болду.

токъ болду, токъ болду,

Токъ болду —

жокъ болду!

Юй башда да бар эди,
ныгъышда да бар эди,
ол къышда да бар эди,
бу къышда да бар эди.

Бар эди!

Бар эди!

Тас болду да — ханс болду,
ханс болду да — тас болду!
Токъ болду да — жокъ болду,
жокъ болду да — токъ болду!

Ёчешеме, айтчы бир —
не зат эди бу сейир? (Къар)

Бегийланы Абдуллах.

Нарт сёзле

Нарт сёзлени магъаналарын айттыгъыз, [д] таууш къайсы сёзледе тюбейди?

Дунияда таш къаты,
Ташдан да баш къаты.

Даууру кёп ишни татымы болмаз.

Дунияны суу басханлыкъгъа,
башпушха не къайгъы?

Тилбургъуччу кёлден билигиз

Дуркъу-дуркъу-дуркъучукъ,
Даутчугъум — доп-допчукъ.
Дерследе да тохтамаз,
Даумхан да хорламаз.

Ёлmezланы Мурадин.

Назмула

Назмучукъланы устаз окъуйду, сабийле [д] тауушу болгъан сёзлени эслеринде тутуп айтадыла. (Бармакъланы атларын билдирирге боллукъду.)

Дуркъу-дуркъу-дуркъу,
Дуркъу ичинде — ёгъоз.

Ол жатхан жер токъ болду,
токъ болду да – жокъ болду.

Токъ болду –
жокъ болду!

Юй башда да бар эди,
ныгъышда да бар эди,
ол къышда да бар эди,
бу къышда да бар эди.

Бар эди!
Бар эди!

Тас болду да – ханс болду,
ханс болду да – тас болду!

Токъ болду да – жокъ болду,
жокъ болду да – токъ болду!

Ёчешеме, айтчы бир –
не зат эди бу сейир? (*Kəar*)

Бегийланы Абдуллах.

Нарт сёзле

Нарт сёзлени магъаналарын айтыгъыз, [д] таууш къайсы сёзледе тюбейди?

Дунияда таш къаты,
Ташдан да баш къаты.

Даууру кёп ишни татымы болмаз.

Дунияны суу басханлыкъга,
башшупча не къайгъы?

Тилбургъучну кёлден билигиз

Дуркъу-дуркъу-дуркъучукъ,
Даутчугъум – доп-допчукъ.
Дерследе да тохтамаз,
Даумхан да хорламаз.

Елmezланы Мурадин.

Назмула

Назмучукъланы устаз окъуйду, сабийле [д] тауушу болгъан сёзлени эслеринде тутуп айтадыла. (Бармақъланы атларын билдирирге боллукъду.)

Дуркъу-дуркъу-дуркъу,
Дуркъу ичинде – ёгюз.

Чик-чикина урлады,
Сансыз бармакъ сойду,
Орта бармакъ биширди.
Балан бармакъ, барысыны да
Юлюшпен ашап,
Аны ючон базыкъ болгъанды.
Тюйюгюз аны, тюйюгюз,
Эшикге атып ийигиз!

Х ал къдан .

Эркелетиуле

Къарагъа баласына: «Къардан акъчыгъым», – дейди.
Кирпи баласына: «Жумушакъчыгъым», – дейди.
Къоян баласына: «Батырчыгъым», – дейди.
Тонгуз баласына: «Алтынчыгъым», – дейди.
Айыу баласына: «Тюзаякъчыкъ», – дейди.
Аслан баласына: «Нюржаякъчыкъ», – дейди.
Бёрю баласына: «Халалчыгъым», – дейди.
Чибин баласына: «Тазачыгъым», – дейди.
Макъя баласына: «Тюз белличик», – дейди.
Жилян баласына: «Бал тилличик», – дейди.
Ана баласына жюз, минг ат излейди,
«Балачыгъым», – дейди,
«Танаачыгъым», – дейди.

Езденланы Альберт.

E e

Бек если кимди?

1. Сёзледе бирча тауушланы табыгъыз.
Терек, мен, чөлөк, теке, тери, кеме, сабийле.

2. [e] тауушу болгъан сёзлени эсигизге тюшюргюз.

Беш, эгеч, тирмен, сенек, бек, ишиле.

3. Сёз бёлюм аукцион.

Устаз сёзни ал бёлюмюн айтады, сабийле ахырын къошадыла.

Керт... (-ме), сюр... (-ме), этер... (-ме), берир... (-ме), сер... (-ме), кел... (-ме), кюл... (-ме).

4. Назмуда [е] тауушу болгъан сёзлени эсигизде тутугъую.

ЖАЙ ЭРТТЕН

Танг жарыкъ белги бере,
Нюор жарый-жарый келе,
Къарангы эрий, кете,
Хоразла «хахай» эте,

Кюн чыгъя-чыгъя келе,
Таулагъя къанат кере,
Ай, арыш, таудан аяя,
Таулула ийнек саяа.

Тёшкеде уа бир жашчыкъ,
Юсчюю аппа-ачыкъ,
Ышпарады, тюш кёре,
Къолчугъун силдей, кере.

Уяныр, кёзю жарыр,
Аппагъя чабыш барыр!
Хар эрттен былай болсун,
Хар или мурат толсун!

Уяланы Оюс.

ОЮН МАТЕРИАЛ

Элберле

Жай кийинир, къышп тешинир. (*Терек*)

Беля-беля, беля атым,
Бели иничке къолан атым,
Таугъя минсе — талмаз атым,
Таулу тийсе — къалмаз атым. (*Гумулжук*)

Нарт сёзле bla айттыула

Жетегейле — жети жулдуз,
Темиркъазыкъ — кеси жулдуз.

Сенде — харекет,
Менде — берекет.

Таякъ этден ётер,
Сёз сюекден ётер.

Назму

МУССАЧЫКЪ

Ким биледи?
Ким биледи?
Муссачыкъ школдан келеди!
Ма аны терекчиги,
Ол кёкге дери ёседи!
Муссачыкъ ёсюмчюгүн
Терекге къарап биледи.
Суу къуюп чөлөкчүкгө,
Ол барды терекчики.
Бийикгө къарап кюледи:
— Мен школтъа барьш келеме!
Терекчик: — Къой, ёнчелеме,
Ким уллуду, мен билеме!
— Сейирликди! Сейирликди!
Терекчик менден бийикди!

Ахматланы Сафарият.

Ё ё

Бек если кимди?

1. Хар сёзде бирча тауушну айтыгъыз.

Ёгюз, кёзле, бёрк, бёрю.

2. Устаз окъугъан сёз [ё] таууш bla башланана эсе, сабийле ёрге туралы, [ё] таууш сёзни ортасында эсе, турмайдыла.

Ёрге, кёзле, кёк, гёжеф, кёлек, ёзен, ёребаш.

3. Назмуда [ё] тауушу болгъан сёзлени эсигизде тутуп айтыгъыз.

Не арыкъ эди бу Бир,
кёр, ёресине сингир!
Кёгетсиз, ауанасыз,
кёлексиз, ауарасыз.

Баштёбен болуп, Эки
тёпспеси bla къарай...
Сыйлагъын муңу къалай?!

Бегийланы Абдуллах.

4. Ким кёп сөз къурайды?

[ё] тауушу болгъан сёзле табып айтыгъыз.

Кёксюл, кёл, ётмек, ёмюр, ётюрюк, нёгер.

5. Сөз бёлюм аукцион.

Устаз сёзинчи биринчи бёлюмүн айтады, сабийле уа сёзин ахырын къошадыла, [ё] тауушну белгилейдиле.

Жёр... (-ме), ёр... (-ге), ён... (-кюч), ёк... (-сюз).

ОЮН МАТЕРИАЛ

Тилбургъуч

Ётюрюкню кёзю кёп,
Ётюрюкню сёзю кёп,
Ёгоз, дейди, ичди кёкню,
Ёртен, дейди, алды кёлню.

Ёлmezланы Мурадин.

Элбер

Тёбе, тёбе, тёбе тау,
Тёбе тауну артында
Эки къара къундуз,
Эки къундузну къатында
Эки жарыкъ жулдуз.

(Жаякъла, бурун, къашла, кёзле)

Назмула

ЁТЮРЮКЧУ – ТОПЧУ

Боллукъну да билген,
Къаллыкъны да билген,
Бир ёлюп, тирилген,
Шайтанны да кёрген
Ётюрюкчу – топчу,
Чыранлада отчу,
Къаяллада суучу,
Сабанлада уучу,
Къум ёзенини чалгъан,
Ёгоз гебен салгъан,
Кёмюр четең эше,

Махтанып сёлеше,
Тауланы тепдирген,
Айыу бла бирге
Кертме да ашагъан,
Къуюда жашагъан,
Безирей-серлене,
Тюшонде эрлэнните
Окъусуз ушкок атхан,
Эси аууп жатхан
Кимди, айтчи, кимди?
– Gon улу Хакимди!

Мокъаланы Магомет.

* * *

Ерюзмегим, Ерюзмек,
Ерюзмегим ёзден эди,
Бел бауу жезден эди,
Гемудагъа мине эди,
Темуда тил биле эди...

Халкъдан.

Ж Ж

Фонетика зарядка. Къамыжакъ къаллай таууш этеди?
(Ж-ж-ж...)

Бек если кимди?

1. Сёзледе бирча тауушну табыгъыз.

Жюжек, жилян, жюзюм, жанкъозла.

2. Сёзлени биринчи тауушларындан къуралгъан тиширыгу атны айтыгъыз.

Жабышмакъ, алты, нарат, наныкъ, алма.

3. Устаз айтхан сёзледе [ж] таууш бар эсе, сабийле къарс этедиле, жокъ эсе уа – этмейдиле.

Жара, жомакъ, шинтиж, жыр, таш, жыгыра, жюн, бешик, жел.

4. [ж] таууш бла башланнган битимлени атларын айтыгъыз.

Жюзюм, жилем, жыгыра, жанжюрек, жики.

5. Бёлномлени жерлерине салыгъыз:

ме-жёр, лик-жи, кгу-жу, дуз-жул, жи-шин.

Билляча

6. Устазны хар сорууна жаланда [ж] таууш бла башланнган сёзле табып айтыгъыз, сёз ючюн:

- Сени атынг неди?
- Жанболат.
- Тукъумунг а?
- Жаболадан.

- Сен къайда жашайса?
- Жемталада.
- Ненчанчы классда окъуйса?
- Жетинчи.

7. Назмуда [ж] тауушу болгъан сёзлени эсигизде тутуп айтыгъыз.

МЕН ЖОЛДА ЖЮРЮЙ БИЛЕМЕ

Мен билюн шахаргъа келгенме элден,
Жолда жюрюо жорукъну билип кёлден.
Айланама шахарда, бир къийналмай,
Кесиме, башхагъа да къоркъуу салмай.

Къызыл чыракъ жана эсе, сабыр бол:
Барыргъа жарамайды, жабылды жол.
Жашил чыракъ жанса уа – атла алгъя,
Жалан ол заманда эркинсе жолгъя.

Маммеланы Ибрахим.

Жомакъынъ къурайыкъ

Ыннаны гурт тауугъуну жети жюжекчиги бар эди. Бир кюн жюжек-
чикледен бири, кырдықда бир зызылдагъан таууш эшитиш, анасындан арт-
ха къалды. Ол не зат болур деп сейир этди...

(Жомакъынъ ахырын сабийле кеслери къурайдыла.)

ОЮН МАТЕРИАЛ

Элберле

Къып-къызылчыкъ, тамаша,
Кеси жерге жанапша. (*Жилек*)

Жалауланы жалар,
Чынгымладан къарап. (*Жүгүтүр*)

Иничке-иничке аякълары,
Къап-къара туякълары,
Узун-узун жаякълары. (*Жур*)

Жол юсюнде – жаулу къайиш. (*Жилян*)

Тау тюбюнде – тор алаша. (*Жубуран*)

Соруу элберле

1. Жер не затдан тоймайды?
– Жауундан.

2. Адам не затдан тоймайды?
— *Жашаудан.*
3. Жерни башында не зат женгил жюрүйдю?
— *Жел.*
4. Дунияда эм бай не затды?
— *Жер.*
5. Дунияда эм татлы не затды?
— *Жуксү.*

Нарт сөзле

Жантыз кесеуню оту жылтытмаз.

Жол тапхынчы, жолдаш тап.

Жумушакъ терекни къурт ашар.

Жумушакъ сөз къаты таякъны сындырыр.

Жибек аркъян юзюлмез,
Жигит киши сёгюлмез.

Жаншакъны заманы кёп.

Назмула

ЖАУУН, ЖАУ...

Жауун, жау, жаным, жаул!
Жауун, жау, жаусанг а,
Жаулу гюттю берейим.
Къуй, къуй, къуйсанг а,
Къуймакъ, къалач берейим.
Жауун, жау, жаным, жаул!
Арпа унла къуяйым,
Чыпчыкъ болуп учайым!

Халкъдан.

ЖАНКЪОЗ ЧЫКЪДЫ...

Жанкъоз чыкъды Тотур айда —
Сууукъ айда,
Къарны хорлап, жерни жарып,
Сууукъ айда,
Ай къууанды, кюн жарыды
Сууукъ айда,
Жер жашнады, къарыу алды
Тотур айда — сууукъ айда.

Халкъдан.

ЖЕР БЛА ЖАНБОЛАТ

Жер ачыйды, жиляйды.
Аны не зат къыйнайды?
Жанболат терс болгъанды:
Жер ачымаз суннганды,
Башы бла ургъанды,
Кёз жашларын къуйгъанды.
Салгъанды жерге жара,
Чойре этип, дөгъура,
Этгенди жерни чунгур,
Этгенди жерни къынгыр.
Къынгырында - аягъы,
Чунгурунда - жаягъы,
Кётюре Болат башын,
Агъызады кёз жашын.
Сыла, Болат, жер юсюн,
Уппа эт жер жизесин.
Жерден кечинлик тиле,
Бил, жаным, жерни сюе!
Сюйсенг, берир гаккы да,
Берир суу да, башу да.
Жулдузлагъа кётюрюр,
Махтаулагъа жетдирир,
Къууант сала юйонгэ,
Чыгъарыр сени кюннегэ.
Билалсанг жерни сюе,
Болурса анга ие!

Зумакъулланы Танзилия.

ТЕМИРКЪАЗЫКЪ

Жетегейле –
жети жулдуз,
жети кёкден
жерге къарап,
жети жылны
жарыкъ-жарыкъ
жандыла.

Жолсуз жолну
жортуп кетди
жабагъылы
жары тайым, –
жети жылны
жырып къайтмаз
жангыдан.

Табакъсойланы Мухтар.

* * *

Жижи, жижи, жижинау,
Санга этдим тартма бау.
Аны, тартыш, сен юздюнг,
Көнчегинги тюшордюнг.
Жёнгерлеринг кюлдюле,
Санга жырчыкъ этдиле.
Манга жиляп келгенсе,
Ишлеримден бёлгенсе.

Халкъдан.

3 3

Фонетика зарядка.

Ургъуй къаллай таууш этеди? (З-з-з...)
Чибин, чычхан аугъа тюшсе уа, къаллай
таууш этеди? (З-з-з...)

Бек если кимди?

1. Сёзледе бирча тауушни айтыгъыз.

Зурнук, къаз, къозу, тогъуз.

2. Устаз айтхан сёзледе [з] таууш болса, сабийле къарс этедиле.

Заман, азыкъ, сабан, къузгъун, салам, Зурият, сёз, сары, зыгыт.

3. [з] таууш сёзни аллында, ортасында, ахырында болгъан сёзле та-
быгъыз.

*Завод, Зайнаф, Зариф, заман, зыка; Азрет, базман, эмизик; саусуз, сёз,
кюйлоз, сюз.*

4. З харфны жерине къайтарыгъыз.

Кю сю со къо къа тю
га сы

5. Къаз деген сёзни хар харфы bla башланнган къанатлыланы атла-
рын эсигизге тюшюргюз.

Къарылгъач, адакъа, зурнук.

6. Устаз окъугъан жомакъда [з] тауушу болгъан сёzlени эсигизде ту-
түгъуз.

АГЪАЧДА

Эртте-эртте бир ариу агъач болгъанды. Анда агъач саугъаланы иелер
и жашагъандыла: алма, кертме, чертлеуюк терекле; ишхилди, дугъум,
наныкъ юлкюле... Ала аламат иги жашагъандыла, бир бирлерине болуша,
бир бирлерин къууандыра.

Бир жол агъачча къызызу киргенди, жауун жаумай кёп тургъанды.
Агъачны иелери мудах болгъандыла.

– Ой, къалай къызызуду! Биз къуруп къалабыз! Ауругъан адамланы
бизсиз къалай багъарыкъыла?! – дей жиляй эдиле дарман кырдыкла.

– Биз а къалай боллукъбуз, бетибиз тюрлениш, тюгюбюз мутхуз, эриши
болуп?! – дей эдиле жаныуарла.

– Теркирек жауун жауса эди, – дей ынъчхай эдиле деменгили терекле.

– Келигиз, къанатлыладан тилейик, ала жауунну келтирисинле, – дей
эдиле нарат, назы терекле.

Къанатлыла, жыйын болуп, жауунну келтирирге учдула. Эки кюнден
агъачны башында булутла жыйылдыла. Иги жауун жауду.

Агъачны иелери кётюрүлдюле, жашнадыла, гюллендиле. Энди аланы
саугъалары бютонда кёп, бютонда татлы болурла. Ала, жауунну маxтап,
анга ыспас этип турадыла.

«Нюр» журналдан.

ОЮН МАТЕРИАЛ

Оюн жырчыкъ

ТАРТА-СОЗА

Тарта-соза, жапчыкъланы оза,
Тарта-соза, къызланы да оза,
Тарта-соза, хар кимни да бу оза.
Бахчалагъа сыза,
Мынга къалын боза.

Элберле

Узун боюнлу,
Къур-къур оконлу. (Зурнук)

Келиними бир баласы –
Къалгъанладан багъалы. (Зайын)

Бир кёзюм барды да,
Дуния ичинде кёрюнеди. (Телевизор)

Нарт сёзле

Заман адамгъа кёре,
Адам заманнга кёре.

Заман деген – от кибик,
Темир ашагъан тот кибик.

Зарны зарлыгъы жанына заран.

Зорлукъ этген хорлукъ сынар.

Назму

Къызыым, къызыым, къыздарий,
Къызыма келир жюз дарий.
Къызыым, къызыым, къызымай,
Тюймелеринг зынтырдай,
Тогъуз улан тынгылай.

Къызыма келсин жюз тана,
Къызыым турсун махтана.

Халкъдан.

И и

Фонетика зарядка. Эшек къалай окъуйду (*Иа-иа-иа!*)

Бек если кимди?

1. Устаз айтхан сёzlени барысында да къайсы таууш барды?

Исси, инжи, им, жигит, кирит, гитче, алим, илму, ингир.

2. Хар сёзни биринчи тауушундан къуралгъан сёзни айттыгъыз. Ол суу баргъан ызны атыды.

Ит, лётчик, имиу, портфель, ийне, назы.

3. Устаз айтхан сёзледе [и] тауушну эшитселе, сабийле ёрге турадыла.

Лимон, адам, Хамит, тииш, тышиы, мени, илляу, тири, халы.

4. Сёз бёлжум аукцион.

Устаз сёзни биринчи бёлжумун айтады, сабийле уа ахыр бёлжумун къошадыла.

Тир... (-мен), ти... (-лек), хыли... (-чи), Ханий... (-фа), билим... (-ли), кер... (-ки).

5. Хапарда [и] тауушу болгъан сёздени эсигизде тутугъуз. (Устаз окъуйду.)

«ОКЪ ЖИЛЯН»

Африкада агъачлада «мамба» деген иничке узун жилян барды. Жерде андан терк баргъан жилян жокъду. Аны ууу да башха жилянланы ууларындан эсе, кёп кере кючлюдю. Мамба бир сагъатха 11 километр барады. Мамба къабарыкъ затыны юсюне садакъ окъча атылады. Аны ууу адамгъя да бек къоркъуулуду. Малкъар таурухлада «окъ жилян» деп, къаллай эсе да бир учхан жилянны хапары айтывлады. Мамба ол болурму?

ОЮН МАТЕРИАЛ

Элберле

1. Окъча учар,
Топча чачар. (*Илячин*)
2. Бир къызыым барды да,
Халкъыны кийиндиреди да,
Кеси къымыжалай къалады. (*Ийне*)
3. Ариу темир кемечигим
Жюздю да быстыр сууда,—
Угу-жугу кёлекчигим
Болду жап-жангы, сыйдам. (*Итиу*)

Соруу элберле

1. Адамны адамлыгъын не зат танытады?
— *Иш.*
2. Тили жарасына дарман болгъан неди?
— *Ит.*

Нарт сёзле

Иги нёгер бла таудан да ётерсе.
Иги ат къамичи излетмейди.
Иги тенг тенгликде билинир,
иги ат жолоучулукъда билинир.
Ие кёп болса, мал харам болур.
Ингир болмаса, эрттен да болмаз.
Ишни ахырын ойламай, аллын башлама.

Назмұла

ИШЛЕГЕН

Осал адам эринеди,
Ишлеген насып кёреди.
Эринчеклик деген неди?
Эринчек саудан ёлодю.

Ишлекенни кёлю жарыкъ,
Ишлемеген болур арыкъ.
Дунияда биз махтау аллыкъ –
Ишди бизни къуаңдырлыкъ...

Мёчюланы Кязим.

ИТ

Ит адамгъа нёгерди,
Жауу келсе, кёреди.
Ол чабады, юреди,
Не келсе да биледи.

Ит хайырлыды адамгъа,
Чекни, малны сакълайды.
Урлагъанны табады,
Излей барыш, къабады.

Ит иесин сюеди,
Бек тансыкълар, ийнакълар,
Къууангандан, юсунге
Жанын атар, ийнакълар.

Шахмырзаланы Сайд.

Й й

Бек если кимди?

1. Сёзледе бирча тауушланы айттыгъыз.

Тай, кәй, хайнух, ай, ийнек.

2. Устаз айтхан сёзледе [й] таууш болса, къызычыкъла ёрге турадыла,
болмаса уа – жашчыкъла.

Билет, майдан, ишиле, шайтан, ийне, хыли, ойна.

3. Сабийле [й] тауушу болғын сёзле айтадыла.

Ашайма, жай, кийим, жайлыш, доммай.

Тилбургъуч

Ийнал ийнегин сатды,
Ийнакъ ийнесин сатды.
Ийнени Ийнал алды,
Ийнекни Ийнакъ алды.

Ёлмезланы Мурадин.

ОЮН МАТЕРИАЛ

Жерими табыгъыз

Й харфны жерине къайтарыгъыз.

къа макъ

къа ыкъ

жа лыкъ


ба ракъ

жы рыкъ

мы ыкъ

Тапкаладан тюш

Боп жерлелеге й харфны салыгъыз.



Сёз бёлкүм аукцион

Устаз сёзлени биринчи бёлкүмлерин айтады, сабийле уа ахырын къошадыла.

Аү... (-ран), май... (-мұл), ай... (-тым), ой... (-макб), той... (-да), ашай... (-ма).

Элберле

*Жия кибик бүгюлюп,
Дуниягъа нюрю тәгюлюп. (Тейри кәылыч)*

*Биреу сюйдюре,
Биреу күйдюре. (Жай bla кәыш)*

*Жанғы къардан акъ алаша,
Жан-жанына сакъ алаша. (Будай)*

Нарт сёзле

*Байлыкъ –
Бир айлыкъ.*

*Ат, айланыш, жерин табар,
Эр, айланыш, элин табар.*

*Сюйрегенинг сынар,
Кёп ойнагъан жиляр.*

Назмула

ТАЙЧЫКЪ

*Байталым тапды тайчыкъ,
Мангылайында – айчыкъ.*

*Бу тайчыкъ бир жоргъачыкъды,
Бир туякъчыгъы акъчыкъды.*

*Жоргъачыкъды, жоргъачыкъды,
Бир туякъчыгъы акъчыкъды.*

Ёл мезланы Мурадин.

АЙШАТЧЫКЪ

*Быллай Айшатчыкъ ким көргенди, ха,
Тынчлыкъ бермеген юйде бир затха?!*
*Алады, салады,
Салады, алады,
Сен ары салгъан зат
Думп болуп къалады.*

*Амманы галошун ол сызар тапчанинга,
Тапчанда көзлюклерин атар къазанинга.*

Сууну да къазанда къоймайды Айшат,
Тыйылмайды, кесин тыймайды Айшат.
Шайгъа шекер атдым
Десенг,— хант туз болур.
Этни тузгъа басдым
Десенг,— бал туз болур.
Ары да къуюлур,
Бери да къуюлур,—
Туз, шекер, чибижи
Къатыш болуп турур.

Байрамукъланы Халимат.

ХОРАЗЧЫКЪ

Окъабашчыкъ,
Келчи, бир аш берейим,
Сакъалчыгъынг
Жылтыраймыд, кёрейим,

Жибеккъуйрукъ,
Келчи бери, чуу-чуу-чуу!
Ичер эсенг,
Ма, табакъчыгъынгда суу.

Арбазда сен
Сейир ёхтем келесе!
Къуйругъунга
Махтана да ёлесе.

Жохарчыкъны
Тахталадан бери бур,
Сюрююнге
Къалауур болгъанлай тур.

Тауукъланы
Жарыкъдан гедешге жый!
Сер махтана,
Кечге къальгуунгу тый!

Ма, сылжырчыкъ,
Нартюхчюк аша да, той.
Танг атдырмай,
Дауур-дуурунгу къой.

Жаболаны Мухаммат.

К к

Фонетика зарядка. Макъа къаллай таууш этеди? (Ква-ква...)

Бек если кимди?

1. Сёзледе бирча тауушну табыгъыз.

Картоф, көз, ийнек, теке, киштик, кекел.

2. Хар сёз къаллай таууш bla башланады?

Кеме, киштик, кирит, кирпи, кукук.

3. [к] таууш bla башланнган адам атланы эсигизге тюшюрюгүз.

Керим, Кулина, Кезбау, Камал, Кажок, Кесам.

4. Сёзлени аллына [к] тауушну къошугъуз. (Окъуй билген сабийле окъургъя боллукъдула.)

ертме

ёгюрчюн

ёгет

ёшпор

юмюш


есеу

ОИОН МАТЕРИАЛ

Лото



*Бёлюмле къурагъыз,
ызы bla уа ол бёлюмле bla сёзле къурагъыз.*



Аламат сёзле

Аллындан артына, артындан аллына оқъугъуз.

Керек, как, кёк, кийик, кёч, клот, кукук.

Элберле

Эки къарындаш бир жолну
Эки жанында жашпайдыла,
Ёмурде, къарап,
Бир бириң кёрмейдиле. (*Кёзле*)

Ингир болса, ёледи,
Эрттен болса, келеди. (*Кюн*)

Анасындан мыйыкълары bla туугъан,
Бетин, къолун сапынсыз, суусуз жуугъан. (*Киштик*)

Бир къызыым барды да,
Ийнели чепкен киеди. (*Кирни*)

Мени барды бир къызыым –
Къат-къат чепкен киеди.
Ол къызымы дунияда
Хар бир инсан сюеди. (*Китап*)

Кёрген кёзню ау этер,
Кёргемегенни сау этер. (*Кёзлюклө*)

Соруу элберле

1. Дунияда эм бийик не затды?
– *Кёк.*
2. Дунияда эм жумушакъ не затды?
– *Кёмюк.*
3. Кёзюн къысыш, не зат аштайды?
– *Киштик.*
4. Дунияда эм жарыкъ неди?
– *Кюн.*

Нарт сёзле bla айтыула

Кённю ключю да кёп.

Кеси жыгъылгъан жаш жилямаз.

Кесине гебен эталмагъан
Элге черен эте эди.

Кючюн билмеген жаш ташны уллусуна жабышыр.

Киптик хар заманда тюшюнде чычхан кёрюр.

Тилбургъуч

- Кишиучукъ неге жарайды?
- Кишиучукъ чычхан марайды.
- Күкүт' а неге жарайды?
- Күкүт,— деп, кесин' маҳтайды.

Назмула

КЮЗГЮГЕ ЮРГЕН КЮЧЮК

Кючюкчюк бизни юйге
Киргенди да келгенди.
Кесин биринчи кере
Ол кюзгүде көргенди.

Чапханды ол кюзгюгэ,
Юргендөн бир арымай,
«Бу уа къайдан чыкъды?» — деп,
Кеси кесин танымай.

Кюзгүде кючюкню да
Юрмей болмай амалы,
Ауазы чыкъмаса да,
Бек сур эди къарамы.

«Хап-хап-хап!» — деп, кючюкчюк
Иги кесек юргенди.
Саматчыкъ, аны кёрюп,
Эрикгинчи кюлгенди.

Гайыланы Махти.

КУ-КУРИЙ-КУ-КУ-У!

Къанатын къагъып хыны,
къыгъыра эди, хуна
башындан къарап, хораз:
«Тур-турдан хапар келсе,
Хур-хурдан хайыр болмаз!» —
къыгъыра эди кеси
жукъудан тойгъан хораз.
Тангны уядты хораз,
атчыкъытча ушаш хораз:

— Ку-курий-ку-ку-у!..
Кюн кёрдюм кёкде!
Ку-курий-ку-ку-у!..
Кюн кирди кёкге!

Бегиylanы Абдуллах.

КИПИУЧУКЪ

Мияу-мияу, кипиучукъ,
Кесин манга ышыгычукъ.
Чыммакъыкъды, мур-мурчукъ,
Бир адыргы бурхучукъ.
Бетин кюнде жуугъанчукъ,
Тойса, кёзюн жумгъанчукъ.
Тобугъумда жукълаучу,
Мен кетсем а — жокълаучу.
Кёзлериме къараучу,
Сют табакъны жалаучу.

Созайланы Ахмат.

КЪ КЪ

Фонетика зарядка. Къаргъа къалай къычырады?
(*Къар-p, къар-p!..*)

Бек если кимди?

1. Сёзледе бирча тауушну табыгъыз.
Къанат, къаргъа, къой, къаз, къызычыкъ.
2. Устаз айткан сёзледе [къ] таууш бар эсе, сабийле ёрге турадыла, жокъ эсе — турмайдыла.

Къаймакъ, кёлек, оймакъ, Къуран, чөлек, къол, къонаңкъ, кырдык, мамукъ.

3. [къ] таууш bla башланнган эр киши атланы эсигизге тюшпюрюгюз.

Къанамат, Къайсын, Къурман, Къаншау, Къоналий.

4. Жомакъда [къ] тауушу болгъан сёзлени эсигизде тутугъуз.

КЪОЯНЛАНЫ ЭРИНЛЕРИ ЖЫРЫКЪ НЕК БОЛГЪАНДЫЛА?

— Дуннияны башында бизни къоркъутмагъан, биз къоркъмагъан бир зат жокъду. Быллай бир инжилип, къоркъуп жашагъандан эсе, жашамай

къалгъан кёп да игиди. Андан эсе, келигиз, барыбыз да бир жерге жыйылайыкъ да, башыбызын бир уллу кёлге атып, къырылайыкъ,— деп, къоянла аллай оноу этгендиле бир кюн.

Айтханларыча, кёл жагъаягъа жыйылгъандыла, бир тизгиннге тизилгендиле. Алгъы бурун тамата къояннга чыгъарыргъа тюшгендиги чёп.

Чыгъара тебирегенлей, къамишле ичинден бир макъа бакъ деп, кёлге ташайгъанды.

Къоян, элгениш: «Тохтагъыз, маржа, бизден къоркъган да барды!» — дегенди.

— Къайда, къайда? — деп, къоянла уллу кёлнүү жагъасына басынсала, къамишле ичинден макъала, бакъ-бакъ дей да, суугъя ташая башлагъандыла. Къоянла барысы да аны кеслери көзлери bla кёргендиле. Ол кюнден сора къоянла:

— Бизни орунбуузгъа макъала башларын суугъя атдыла. Биз бош жанылгъанбыз, дунияда бизден къоркъганла да бар кёреме. Башыбызын суугъя атханны сагъынмайыкъ! — дегенди.

Ол кюн къоянла, асыры къууаннгандан, асыры бек кюлгенден, эринлери жарылып-жарылып, жырыкъла болгъандыла дейдиле.

Халкъдан.

5. Сөз бёлгөм аукцион.

Устаз сёзни ал кесегин, сабийле уа ахырын айтадыла.

*Кәүй... (-макъ), бар... (-макъ), кәа... (-лач), кәали... (-яр), кәудо... (-ру),
кәа... (-шыкъ), кәа... (-лам).*

ОЮН МАТЕРИАЛ

Бу сёзлени ичлеринде къаллай сёзле бугъадыла?

*Кәурмач, кәурташакъ, кәуумат, кәызгъанч, кәолан, кәатхан, кәаргза,
кәанат.*

Атлауучладан тюшюгюз

Къ

a	p					
a	m	a				
a	p	y	n			
a	m	a	n	a		
a	n	a	m	l	y	
a	p	y	n	d	a	w

Сёзбер

1. Ол билген а – къар-къар!
2. Агъач тонгуз.
3. Аңсыз китап да, дефтер да, газет да жокъ.
4. Киритни «ахлусу», «жолдашы», «тенги».
5. Талякъны уллусу.
6. Кемени гитчеси.

1	къ	а			
2	къ	а			
3	къ	а			
4	къ	а			
5	къ	а			
6	къ	а			

Элберле

Сырты – къазандан къара,
Баууру – къардан акъ. (*Къарылгъач*)

Кёлю – къоркъакъ,
Кёзю – чокъуракъ. (*Къоян*)

Къолан къапталлыды,
Къынгыр тырнакъаллыды. (*Къаплан*)

От жагъада – бир киши,
Ауузунда – эки типи. (*Къысхач*)

Алтынчы бармакъчыгъым
Мерекеден тояды,
Аллымдагъы дефтерде
Жолун, ызын къояды. (*Къалам*)

Соруу элберле

1. Кёк неге алаша кёрюнеди?
– *Къанатлыгъа*.
2. Дунияда эм акъ не затды?
– *Къар*.
3. Хар тилде да не сёлешеди?
– *Къая къызы*.
4. Кеси тенгли къоргъашинни не зат кётиреди?
– *Къумурсха*.

Нарт сөзле

Къанны къан бла жуума,
Аманны аман бла къуума.

Къаты сёз темирни тешер,
Жумушакъ сёз къылъгчны кесер.

Къоншуда малгъа бёрю да тиймейди.

Къолу ачыкъны – жолу ачыкъ.

Сабий булжутуучукъ

Къая башы – къалала,
Уясында – балала.
Балалагъа къурт керек,
Адамлагъа журт керек.

Назмула

ИТ ЮРЕДИ

Ит юреди,
Къонакъ келеди,
Къонакъгъа къой сойдукъ,
Ашадыкъ, тойдукъ,
Артдагъа да къойдукъ.
Энтта да къонакъ келир,
Манга илляула берир.

Х ал къдан.

МА-КЪА-КЪА...

Макъа, макъа, ма-къа-къа,
Нек киргенсе батмакъгъа?
Боюнунг ушаш артмакъгъа,
Кёзлеринг – чокъуракъгъа.

Жипиледе жашайса,
Къурт-къумурсха ашайса,
Къоркъуу тюшсе жанынга,
Суугъа терк ташайса.

Макъа, макъа, ма-къа-къа,
Минчи сен чапыракъгъа,
Жюзюп келчи берлакъгъа,
Алчы мени къонакъгъа.

Сени излеп келгенме,
Кёк сыртынгы кёргенме,
Табийгъатха кёп хайыр
Бергенинги билгенме.

Ёздөнланы Абдуллах.

КЬОН, КЬОН, ГЁБЕЛЕК...

Къон, къон, гёбелек,
Аття атха миндирир,
Ання эмчек ичирир.
Жетиш, сени тутайым,
Къанатынгы сылайым...

Халкъдан.

ЛЛ

Фонетика зарядка.

Сёзлери болмагъан жырны къалай жырлайдыла?
(Ля-ля-ля...)

Бек если кимди?

1. Сёзледе бирча тауушну айтыгъыз.

Нал, илкерле, жюлгюч, балли, бала, бал.

2. Тюз айтыу.

Ла-ла-ла – эришиуде хорла.
Лы-лы-лы – эшикде жылсы.
Ли-ли-ли – бишгенди балли.
Лу-лу-лу – бу жашчыкъ уллу.
Ул-ул-ул – терекде маймул.
Ол-ол-ол – бес узунду жол.

3. Тилбургъучда [л] тауушу болгъан сёзлени табыгъыз.

*Талада – таналы марал,
Чыгъанада – балалы къоян.*

4. Хар сёзни биринчи тауушун айтсағъыз, бизни республикада эллени бирини атын табарыкъсыз.

Локтум, аггаз, шаптал, киштик, улакъ, топ, ат.

5. [л] таууш бла ким кёп сөз табарыкъды?

Алма, Лариса, Локъман, кәалияр, балта, нал, улан, уллу.


6. Бу сёzlени артындан аллына окъугъуз.

Уллу, ала, кәалакъ, кәуллукъ.

7. Сөз бёлюм аукцион.

Ил... (-му), че... (-лек), ктөл... (-ла), ол... (-тур), жыр... (-ла), баш... (-ла).

8. Бёлюмле къурагъыз.



ОЮН МАТЕРИАЛ

Тилбургъуч

Лейлачыкъ локъум ашай,
Локъманчыкъ юлекъу ашай.
Лейла тойду локъумдан,
Локъманчыгъ' а – юлекъудан.

Ёлmezланы Мурадин.

Элбер

Ананг тыллы басды да,
Отха къазан асды да,
Мен чёплеу жауда бишдим,
Сени ауузунга тюшдюм.
Бар эдим да – жокъ болдум,
Ач эдинг да – токъ болдунг! (*Локъум*)

Нарт сёзле

Нарт сёзледе [л] тауушу болгъан сёзлени табыгъыз.

Мал тейриси – адам улу.

Жолгъа жаяну чыкъсанг,
Атлы бла нёгер болма.

Иги элде кенгеш болур,
Аман элде сермеш болур.

Адамлыгъын ташлагъан
Аманлыкъыя батылдыр.

Назмула

БЕЛЛЯУ

Белляу, белляу, Мухтарчыкъ,
Къалкъы, къалкъы бешикде.
Сенлайла, уллу болуп,
Ойнайдыла эшикде.

Белляу, белляу, Мухтарчыкъ,
Кёзчюклеринги жапчы,
Сен да, терк уллу бол да,
Арбазыбызыда чапчы.

Белляу, белляу, Мухтарчыкъ,
Жукъыла энтаа бир, азчыкъ,
Мен жангыдан бёлейим,
Уллу болуп кёрейим.

Ахматланы Сафарият.

МАРИНА БЛА ГЮЛЛЕ

Марина мудахды бек,
Алай нек жарсыйды, нек?
Къызыгу болдула кюнле,
Мынкыл болдула гюлле.
Аягъын ура ташха,
Къумгъанчыкъ бла ташып,
Марина гюллеге сау
Челек толу къуйду суу,
Гюлле баш кёйтюрдюле,
Ахшы къызычыкъыгъа гюлле
Кёп къууанч келтиридиле,
Жарыкъ болурча кюнле.

Отарланы Керим.

M M

Фонетика зарядка. Ийнек къалай ёкюреди? (My-y-y...)

Бек если кимди?

1. Бу сёзлени барында да къайсы таууш түбейди?

Тамата, мамыр, махтандыкъ, гаммеш, хомух, мамукъ, алма, мысты.

2. Хар сёзде бирча тауушпнай айтыгъыз.

Маймул, макъа, муркку, мароко.

3. Бу жырчыкъда [м] тауушу болгъан сёзлени эсигизде тутугъуз.

АЙЫУНУ ЖЫРЧЫГЪЫ

Мур-мурчугъум, мурчугъум,
мор-морчугъум, морчугъум!
Аштапарчыкъ, топалчыкъ,
терекде ёсген копалчыкъ!

Мор-морчугъум, морчугъум,
морчугъум, къонгурчугъум!
Батманчыкъны балы ачыкъ,
толгъан айлай, балаачыкъ,
къашыгъынгы ала чыкъ!
Мур-мурчугъум, мурчугъум!
Къонгуруочукъ, къонгурчукъ!

Бегийланы Абдуллах.

Ким көп сёз билсе да! (Оюн.)


1. [м] таууш бла башланнган сёзле табыгъыз.

Мароко, мюшкери, мама, Мариям, марал.

2. [м] таууш бла башталгъан сёзле табыгъыз.

Кэалам, салам, ышым, макъам, билим.

3. Бёлжомле къурагъыз.



Тюз айтыу

Ма-ма-ма – тёгерекге къарама.
Ме-ме-ме – юиде кесимме.
Му-му-му – къарачы, маму!
Ым-ым-ым – мен бек арыдым.
Им-им-им – барды бир ишим.

ОЮН МАТЕРИАЛ

Тилбургъучуну кёлден билигиз

Метеке-теке-теке,
Махтанады метеке:
«Миңиозлюме! – дейди ол,—
Мен текеме, мен – теке!»

Сабий булжутуучукъ

Мияу, мияу, мияу келе,
Тырнакъыларын ачып келе,
Мени ариу жашчыгъым
Тырнакъыдан къачыш келе.
Дыгъы-дыгъы, дыгъы этейим,
Сени мияу bla тепсетеим.

Халкъдан.

Элберле

Биз, биз, биз эдик,
Бирер ариу къыз эдик,
Жип-жип болуп тизилдик,
Бир-бир болуп юзюлдюк. (*Минчакъла*)

Къырау урса, бишле,
Бишсе – жерге тюшке. (*Мурккү*)

Къолдан къараса – ай кибик,
Эшикден къараса – тай кибик. (*Марал*)

Узун-узун терекле,
Терек сайын бутакъла,
Бутакъ сайын уяла,
Уя сайын балала. (*Мирзей*)

Нарт сёзле

Мал – тойгъан жерине.
Эр – туугъан жерине.

Магъанаасын билмей, иши башлама.

Марда билген – марда бла, билмеген – маржа бла.

Макъаны ёлтюрген байыкъмаз.

Назмула

МАХМУТЧУКЪ

Махмутчукъ эртте тургъанды –
Кюн да чыгъар-чыкъмазгъа.
Ол атасы бла баргъанды
Кёлде чабакъ тутаргъа.

Толкъунланы жел тараиды,
Жагъа ташлагъа уруп;
Махмутчукъ кёлге къарайды,
Атасы бла олтуруп.

Ач болгъанын билдиргенди
Ол, былай айтып анга:
– Ата! Кёл къайнап кетгенди!
Бишген чабакъ тут манга!..

Байзуллаланы Али.

МУСА БЛА МУРСА

Бизни гитче Мусачыкъ –
Хоншула сийген жашчыкъ.
Алай Муса да бирде
Хыли этеди элде.
Бюгюн ол, юйден чыгъыш,
Къолуна алыш чыбыкъ,

Хуналагъа баргъанды,
Бир мурсаны ургъанды.
Анга чамланыш, мурса
Былай айтды: – Ай, Муса,
От тюйюлме, не – ёртен,
Алай манга тийме сен!
Хуналадан къарайма,
Къылыхъызыны марайма,
Кюйдюрмэ этинги –
Къолларынгы, бетинги...
Жиляй турады Муса –
Къолун къапханды мурса.

Байзуллаланы Али.

МЕТЕКЕ

Чокъуракъда жукълайды,
Юйюн къююп кетмейди,
Мирзеу, бахча терекге
Заран, хата этмейди.

Къаялада, ташлада.
Уячыгъын къурайды.
Барыш, тийсенг, метеке
Чокъуракъда бугъады.

Шахмырзаланы Сайд.

Н н

Фонетика зарядка. Жашчыкъ, атха минсе, къалай айтады?
(*Но-но-но!...*)

Бек если кимди?

1. [н] тауушну эштемисиз?

Устаз сёзлени окъуйду, сабийле уа [н] таууш сёзниу къалайында болгъа-
нын айтадыла.

Ныгъыш, нюр, Нюзор, ана, ун, иничке, блюгюн, эрттенлик.

2. Сёзле къаллай тауушладан бапланадыла?

Нартюх, наныкъ, нарат, назы, наша.

3. Сөз бёлгөм аукцион.

Устаз айтхан бёлгөмле бла сабийле сөзле къурайдыла.

На... (-мыс, -сып, -ша, -зик).


Нох... (-та, -табау).

На... (-рат, -зы).

4. Сөзлени бириңчи харфларын бирге къюшсагъыз, бизни республиканы бек уллу шахарыны атын билликсиз.

Наша, алма, лимон, ы, чюгюндюр, ит, киштик.

5. Бёлгөмле къурагъыз.



ОЮН МАТЕРИАЛ

Элберле

Күннеге беш кере жатады да,
Беш кере турады. (*Намазлыкъ*)

Таш тюбюнде – къызыл ашыкъ. (*Наныкъ*)

Къышыбыз жокъ,
Жайыбыз жокъ,
Биз кёгергенлей турабыз,
Дуния бары саргъалса,
Биз түрленмей къалабыз. (*Назы бла нарат*)

Бир къызым барды да,
Жашыл жыйрыгъын тешмейди. (*Назы терек*)

Нарт сёзле

Намыс билген насыпды.

Намыс этмеген насып тапмаз.

Ненча тилни билсөнг, анча адамгъя саналырса.

Намыс сатылып алымайты.

Нёгеринден айрылыгъан жыл жиляр,
Журтундан айрылыгъан ёлгюнчю жиляр.

Намыслыдан – адамлыкъ,

Намыссыздан – аманлыкъ.

Тилбургъучу кёлден билигиз

Нал, нал, нал тапдым,
Наныкъ къапдым, бал къапдым.
Налны атдым туманнга,
Назму айтдым мен санга.

Ёл мезланы Мурадин.

НАРТ-ГУРТ

Нарт-гурт, нарт-гурт!
Андан да чыкъ,
Мындан да чыкъ,
Мында болгъан,
Бери чыкъ,
Рамазанны ур да, жыкъ!

Халкъдан.

Назмула

* * *

Къая кезге кюн ауа,
Орамгъя нюрю жауа,
Башпүш сууда жуууна,
Анга Науруз къууана,
Нух кюмездэ жубана,
Нухну сабий жубанчы –
Ыннасыны къууанчы.

МЕН БЕК СЮЕМЕ

Танг, шоп жарый, кёк аулакъда
Эрттенлик чыкъда,
Жерге нюрюн тёге, кюн да
Тауладан чыкъса,

Макъа кёзча, кёк гелеуде
Чыкъ жылтырауун,
Эрттенликде ол кезиуде
Булбул жырлауун.

Тюрлю-тюрлю гюлледен да
Дух ийис урса,
Табийгъатны ариулугъун
Кёзүнге тутса,

Къалай ариу! Къалай ариу
Быллай эрттени!
Хар бир тюрлю къанатлыны
Жырын эшитгенинг!

Хар бирине, кезиу къарап,
Кёлүнг къууана,
Тауларымы тёппесинде
Жарыкъ нюр жана.

Къудайланы Маштай.

НГ НГ

Бек если кимди?

1. Сёзледе бирча тауушну табыгъыз.

Тенг, кенг, къанга, женг, онг, тынгыла.

2. Устаз айтхан сёзледе [нг] таууш болса, жапчыкъла ёрге турадыла, болмаса уа – къызычыкъла турадыла.

Къонгуроу, нюр, сангирау, сенгирчке, гебен, тутсанг, сабан, танг, нартюх, жангы.

3. Назмуда [нг] тауушу болгъан сёзлени эсигизде тутугъуз.

ТАНГ БЛА ТЕНГ ТУУГЪАН ЖЫРЧЫКЪ

Жаз тангны шопслугъунда
жукъуму Кюн эритди...
Аппа, амма, хоншула
уяннгандыла эртте.
Хапар айта, къууана
жаз кюннгэ, сериуюнгэ,
ийнеклени къууалай
турадыла сюрюуге.

Жолгъа атлана кими,
кими арбазда жубана,
кюн таякълары кибик,
киредиле жырыма.
Къыгчырады Чегетде кукук.
Манга бир иги!
Сүтден толу челекни
анам юйге кийирди...

Бегиylanы Абдуллах.

ОЮН МАТЕРИАЛ

Элберле

Элберледе [нг] тауушу болгъан сёzlени табыгъыз.

Айланнган – эки атым,
Эслетген – эки затым. (*Аякъла, кёзле*)

Гап-гап, муш-муш,
Эки жанинган жулдуз,
Эки къара къундуз. (*Аууз, бурун, кёзле, къашла*)

Жай эсинге тюшмеген,
Къыш юсюнгден тюшмеген. (*Тон*)

Кеси бир къарыш,
Сакъалы – минг къарыш. (*Сохан*)

Нарт сёзле

Нарт сёзледе [нг] тауушу болгъан сёzlени табыгъыз, нарт сёzлени магъаналарын айттыгъыз.

Ишлегенинг къаты болса,
Ашагъанынг татлы болур.

Шуёхунг минг эсе да – азды,
Жааунг бир эсе да – кёпдю.

Онг къолунг бла берсенг,
Сол къолунг бла алырса.

Кёргенингден кёрмегенинг кёп,
Билгенингден билмегенинг кёп.

Назмула

Тёнгере, тёнгере,
Хайнухчугъум, тёнгере,
Буз къатханды, тёнгере,
Къамичи бла ургъанма,
Бек ургъанма, тёнгере,
Хайнухчугъум, тёнгере,
Бек ургъанма, тёнгере.

Халкъдан.

ОЙ, УЛЛУ КЪУШ, УЛЛУ КЪУШ!

Ой, уллу къуш, уллу къуш!
Ой, уллу къуш, уллу къуш!

Кел да, манга тёшек эт,
Къыртчыгъадан эшек эт.

Къайгъы сала учсанг а,
Тауукъланы жулкъсанг а,—

Таш тийсин да бутунга,
Улуй баргъын журтунга.

Къанынг-къунунг — къазанинга,
Къарын жауунг — шауданинга.

Шаудандан а не чыгъар?
Къары-къары мёз чыгъар.

Ахшы адамдан не чыгъар?
Сабыр-сабыр сёз чыгъар.

Халкъдан.

О о

Фонетика зарядка. Адам ауруса, къалай ынычхайды? (Ох-ох...)

Бек если кимди?

1. Устаз айтхан сёзледе [о] таууш болса, сабийле «хау» дейдиле, болмаса уа, «угъай» дейдиле.

Сохан, от, сапын, ожакъ, бычхы, отун, быхы, Омар, къозу, наша, орам.

2. [о] таууш сёзни аллында, ортасында болгъан сёзле къурагъыз.

Окъо, окъа, олтур, оноу, огтары, озай, ктудору, борч, бохча, жол, боза, бузоу.

3. Сёзлени биринчи тауушларын айтсагъыз, бизни халкъыбызыны атын айтдыргъан жырчыны атын окъурукъсуз.

От, марал, айыу, радио.

4. Сёз бёлюм аукцион.

Устаз сёзни ал кесегин айтады, сабийле уа – ахырын.

Окъуу... (-чу), отун... (-чу), къон... (-шу), огзур... (-лу), ол... (-түр), бор... (-сукъ).

ОЮН МАТЕРИАЛ

Элберле

Къазан къара – къашында,
Олтуруп юй башында,
Жауунда, къарда да
Ол тютюн тартады. (*Ожакъ*)

Къабыргъа узуну къара къатын. (*От сынжыр*)

Къызыл ёгюз чибинлөп кетди,
Кёксюл ёгюз жатып къалды. (*От bla кюл*)

Ол кёкге къарай,
Эл анга къарай. (*Отда къазан*)

Билимни ачхычы неди? (*Окъуу*)

Нарт сёзле

Ойнап айтсанг да, эслеп айт.

Окъугъан ийне bla кёр къазгъан кибикиди.

Окъумагъан сокъурду,
Сокъур ташха абыныр.

Он затны осал билгенден –
Бир затны иги бил.

От болмагъан жерде жалын да болмаз.

Назмула . .

УЛАКЪЧЫКЪ

Макъырады	Чакъырады
Улакъчыкъ	Улакъчыкъ
Омаргъа,	Ойнаргъа,
Омаргъа.	Ойнаргъа.

Макъырады,
Чакъырады
Ойнаргъа,
Ойнаргъа.

Ёлmezланы Мурадин.

ОН

Беш бармакъ – онг къолунгда,
Аллай бир да солунгда.
Кел, тюзюн ангылайыкъ,
Жомакътгъа тынгылайыкъ:
Бёрюге къачды тюлкю,
Агъачда – оюн, кюлкю,
Къурманлыкъ къазан къайнай,
Къурт-къумурсхала – ойнай.
Кирпичик къобуз согъа,
Къоянчыкъла къарс къагъа,
Минип акъсакъ тюеге,
Айычукукъ аякъ бюоге.
Ой, ары уа бир къара! –
Пил исламайге бара,
Бирслие – ашай, иче...
Не зауукъду бу кече!
– Бернеси уа неди, не? –
Деди сора Бёдене.
Къара къаргъа, къыйыкъ къарап,
Башлады айтып, санап:
– Бир элтири,
Эки керки,
Юч чёмюч,
Тёрт бёрк,
Беш тёш,
Алты балта,
Жети мелте,
Сегиз биз,

Тогъуз къобуз,
Он да тон!
— Ненча тон?
— Он.

Ёлмезланы Мурадин.

III

Фонетика зарядка.

Чыпчыкъ балачыкъ къаллай таууш этеди?
(*Пи-пи-пи...*)
Как, бишне тургъан заманда, къаллай таууш
этеди? (*Пф-пф-пф...*)

Бек если кимди?

1. Сёзледе бирча тауушланы табыгъыз, ала сёзни къалайында болгъан-
ларын айтыгъыз.

Пил, къылла, кюпес, къап, жап, пальто, гоппан.

2. Сёз бёллюм аукцион.

Устаз сёзни биринчи кесегин айтады, сабийле уа – ахырын.


*Бап... (-пүш), дуп... (-пүр), къата... (-па), поми... (-дор), на... (-сып),
жи... (-ни), порт... (-фель).*

3. Къайсы къаумум кёп сёз айтырыкъды? (Оюн.)

Класс эки къаумгъа бёллюнеди (къызычыкъла бла жашчыкъла), [и] та-
уушу болгъан сёзлени эслерине тюшюредиле.

Парашиют, чёп, плащ, печенье, аппа, парий, поэт, аперим, пелиуан.

4. Бёллюмле къурагъыз. Ол бёллюмле бла сёзле къурагъыз.



Сёз чачылды

Бу харфлдан сёз къурагъыз: *л, н, и (пил); н, э, т, о (поэт).*

Не болгъанын билигиз

Къарыгулу адамгъа къалай айтадыла?
(Пелиуан)

Амма халыдан этген топха къалай айтадыла?
(Къылпа)

Сууда жюзе билген юй къанатлыны аты неди?
(Баппуш)

Сууукъ болса, адамла юслерине не киедиле?
(Пальто)

ОЮН МАТЕРИАЛ

Нарт сёзле

Нарт сёзледе [н] тауушу болгъан сёзлени табыгъыз.

Алтын tot болмаз,
Ушкок топ болмаз.

Жау жокъда – батыр кёп,
Дау жокъда – акъыл кёп.

Насыплы элин сюер,
Насыпсыз кесин сюер.

Тойгъа барсанг, тоюп бар,
Эски тонну къюуп бар.

Эчки мюйюз сап болмаз,
Сап болса да, тап болмаз.

Назмула

ТОПЧУГЪУМ

Ойнай кетди
Топчугъум –
Хыличи
Дол-долчугъум.
Тerezени
Уруп ииди,

Таягъы уа
Манга тийди.

Ёлмезланы Мурадин.

ПАРИЙ

- Парий, нек юресе?
- Бёрюлени къоркъутама.
- Къуйругъунгу нек къысханса?
- Бёрюледен къоркъама.

Халкъдан.

ПОРТФЕЛЬ

Мен эслиме, уллума,
Окъууда да онглума.
Барды мени нёгерим,
Иги тенгим – портфелим.
Школгъа барабыз бирге,
Бирге къайтабыз юйге.

Моттайланы Светлана.

P p

Фонетика зарядка. Ит къалай гырылдайды? (P-p-p...)

Бек если кимди?

1. Сёзледе бирча тауушнұ табығызы.

Рама, трактор, нарат, мурат, таран, ракета.

2. [p] таууш бла башланған адам атла айтығызы.


Рамазан, Разият, Рашият, Руслан, Раузат, Рабийғат.

3. Тюз айтыу.

Ра-ра-ра – башынгы тара.
Ру-ру-ру – бахчангы къору.
Ур-ур-ур – арлакътга тур.
Ри-ри-ри – жерде ариу тери.
Ре-ре-ре – къучагъынгы кере.

4. «Ур» бёлюм бла башлангынган сөзле къурагъызы.

УР



5. Назмучукъда [р] тауушу болгъан сөzlени табыгъызы.

МЕН БАРАМА

Мен барама, мен барама,
Тёшден атны чапдырама.
Эй, кетигиз! Эй, кетигиз!
Атха жолну бопп этигиз!

Маммеланы Ибрахим.

ОЮН МАТЕРИАЛ

Тилбургъуч

Рама-Рама-Рамазан,
Рамазан – сыра къазан.
Рашитге чурукъ тикген,
Радимге уюкъ тикген.

Ёлmezланы Мурадин.

Насийхатла

Кязимни насийхатларында [р] тауушу болгъан сөzlени табыгъызы.

Халкъ танылъир ахшысындан,
Жер – гелеуден, алышындан,
Къол устасы – халышындан.

Чалгъы чаллыкъ – къалагъындан,
Къонакъ аллыкъ – къабагъындан,
Юй болаллыкъ – тургъанындан.

Терен агъачны боран биогалмаз,
Бирликли элге душман кириалмаз.
Эгечден туугъан эрке да болур,
Намысдан туугъан, билсе да, сорур.

Къанатлы къуш бийик учар,
Эрлиги бар къаты тутар,
Халкъы ючюн къая бузар,
Къыйын кюн ол таугъа ушар.

Нарт сёзле

Нарт сёзледе [р] таууш къайсы сёзледе барды?

Ахшы башчы халкъ уютур,
Аман башчы жан улутур.

Ахшы жолдаш муратха жетдирир,
Аман жолдаш уятха жетдирир.

Керти жылтырар,
Ётюрюк къалтырар.

Жылды кийим эт жылтырыр,
Ахшы сёз а бет жылтырыр.

Назмула

ЭРТТЕ БИРЕУ БАР ЭДИ...

Эртте биреу бар эди,
Темир тиреу бар эди,
Таш тегене бар эди,
Агъач элек бар эди.
Къумурсханы къой этип,
Къумгъа жайгъан бар эди.
Къарт атасын жаш этип,
Къатын алгъан бар эди.
Къарт анасын къыз этип,
Эрге берген бар эди.
Елген атны сау этип,
Чарышге чапхан бар эди.
Къара сууну къайнатып,
Къаймакъ алгъан бар эди.
Елген къушну сал этип,
Эл сарнатхан бар эди.

Халкъдан.

ТАУКЕЛЛИК ЖЫРЧЫГЪЫ

Кёк кюкюрер,	Тюнгюлме, бар!
От да чагъар,	Боран урур,
Агъач кюер,	Терек ауар,
Ит да чабар.	Бёрю улур,

Оюлур жер.	Тюнгюлме, бар!
Тюнгюлме, бар!	Арырса сен
Курт да болур,	Жангыз кесинг,
Жолну жабар,	Къар да жауар,
Буз да урур,	Ачыр жаранг.
Таш да жанар.	Тюнгюлме, бар!
Тюнгюлме, бар!	Сен арыдынг
Окъ атылыр,	Эсендә, бар!
Жаунг марар,	Жашау барда,
Сөз айтылыр,	Амал да бар.
Ит да къабар.	Тюнгюлме, бар!

Къулийланы Къайсын.

C c

Фонетика зарядка. Шардан хауа къаллай таууш этип чыгъады?
(C-с-с...)

Бек если кимди?

1. Сёзледе бирча тауушнү айттыгъыз.

Сабан, дерс, Аслан, сактал, ханс, сары.

2. Сёзле къаллай таууш бла башланадыла?

Сохан, сарымсах, сагъат, сенгирчке, самолёт.

3. [с] тауушу болгъан сёзлени эсигизде тутугъуз.

СОСУРУКЬ БЛА ЭМЕГЕН

Нарт батырла жортуулгъа чыкъдыла,
Ала жолда отсуз, къуусуз къалдыла.

Сосурукъ да ол жыйында болгъанды,
Бир от алыш келейим деп жортханды.

Бир дорбунда от жарыкъны кёргенди,
Жукълаш тургъан эмегенни эслегенди.

Ат юсюндөн узалды кесеуюне,
Жинки тюшпю эмегенни кёзюне.

Жукъусурагъан эмеген узалды,
Сосурукъну, атны да къолгъа алды.

Аланы эмеген кёзюне салды,
Кюрешди Сосурукъ, андан чыгъалмады.

Деу эмеген жукъ да сезмей жукълайды,
Кёзюнден а от жилтинле чартлайды.

Бир заманда ол уяныш сюелди,
Кёз ичиндеги атлыны сермеди.

Сейир болду: «Кимсе, къайдан келгенсе,
Мени кёзюме да къалай тюшгенсе?»

«Биз,— дегенди,— нартла, чыкъгъан эдик жолгъа,
Отсуз къалыш, келгенме от алыргъа...»

Халкъдан.

4. Адам атлада [с] таууш бар эсе, сабийле онг къолларын кёткүредиле,
[с] таууш жокъ эсе уа — сол къолларын.

Сакийнат, Асхат, Азиза, Налжан, Самат, Фаризат, Салых.

5. «Базыкъ» bla «Назик». (Оюн.)

Класс эки къауумгъа юлешинеди. Устаз айтхан сёзде [с] таууш базыкъ эсе, «Базыкъны» нёгерлери ёрге турадыла, назик эсе — «Назикни» нёгерлери.

Садакъ, сибиртги, сют, сапын, сырғта, сюз, салта, сөз, секир, сыйызгъы.


6. Нарт сёзлени bla айтыуланы ахырларын къопшугъуз.

Сыфаты болмагъанны адамлыгъы... (болмаз).

Сабий тууса — кёре бар,
Саугъачыгъын бере... (бар).

Солугъанды соруу берме,
Ишлегенни эсин... (бёлме).

7. Лабиринтде бёлпомле буқъгъандыла. Аланы табыгъызы да, сёзле къурагъызы.



Со (сохан, соңыр, сохта, солуу).
Са (сарымсах, сарыуек, сапын, сары).
Сү (сүрөт, сүү, сүүкъ, сүсар).
Се (семиз, сенгирчке, секир, семиз).

8. Сёзню ичинде буқъгъан башха сёзню табыгъыз.

Сибиртги, сана, сорған, сёгюллюк, сохан.

ОЮН МАТЕРИАЛ

Элберле

Суугъа тюшсе – кёмюк,
Суудан чыкъса – кемик. (*Сапын*)

Жайылса – табакъ кибик,
Жыйылса – таякъ кибик. (*Салкынылыкъ*)

Тишлери – тепикде,
Сакъалы – эшикде. (*Сарымсах*)

Анасындан къызы туугъан,
Къызындан анасы туугъан. (*Сүү бла буз*)

Ажымсызды жиляры –
Ким тепиндирсе аны. (*Сохан*)

Соруу элберле

1. Дунияда эм уллу байлыкъ не затды?
– *Саулукъ.*
2. Жюрекни ачхычы не затды?
– *Сёз.*
3. Дунияны башында эм огъурсуз не затды?
– *Сүү.*

Нарт сёзле бла айтыула

Сарыуек суудан жийиргеннгенлей.

Суу башын сакълагъан эмегенча.

Суу ёрге барады деп даулашханлай.

Сингир юзюлсе – сау болмаз,
Топуракъ тёбе – тау болмаз.

Сагынылгъан иш бишер,
Къымылдагъан тиш тюшер.

Санаучукъ

Кюн бетде отлайдыла,
тепчилен атлайдыла:
кёк эшек, къара эшек,
акъ ийнек, талгъыр ийнек,
къой, къочхар, къадыр, ёгюз.
– Ненча болдула?
– Сегиз.

Ёлмезланы Мурадин.

Сабий булжуутуучукъ

Сююю, сююю, сюююлай,
Сют ичмеген Кыртылай.
Кыртылайны утайыкъ,
Къаймакъчыгъын жутайыкъ.

Мёчюланы Кязим.

Тилбургъучуну кёлден билигиз

Самат сыртха къарады,
Сегиз ёгюз санады.
Сыртха гуду къарады,—
Семиз ёгюз марады.

Назмула

САБАН ЧЫПЧЫКЪ

Сабан чыпчыкъ, сакъ чыпчыкъ,
Сабанынгы таш, чыпчыкъ!
Сабанынгы сюргенме,
Апилькъ, зынтыхы сепгенме.
Эсен барыш, эсен кел,
Чопша ташны кёре кел.
Залихан bla Малийханинга
Менден салам айта кел.
Соргъанинга салам айт,
Сормагъанинга аман айт!

Халкъдан.

САРЫМСАХ

Сарымсаҳды тюз аты,
Аны кюзде салыгъыз,

Июль айда, жайгъыда,
Къазыш, жерден алъгъыз.

Бир жоппучукъ болалла
Сейир ариу типлери,
Эслеп-эслеп къабыгъыз,
Кюплод аны ичлери.

Шахмырзаланы Сайд.

Т Т

Фонетика зарядка. Сагъат къалай ишлейди? (*Тик-тик, тик-тик...*)

Бек если кимди?

1. Сёзлени барысында да къайсы таууш тюбейди?

Тобукъ, тохта, ата, тана, Ахмат, Тамара.

2. Сёзлени биринчи тауушларын бирге къошсагъыз, бизни халкъыбызды бек иги назмучуларындан бирини атын окъурукъсуз.

Тауукъ, ат, нал, зурнук, им, лимон, як.

3. [т] тауушну эшитчилиз! (Оюн.)

Устаз айтхан сёзледе [т] таууш болса, ёрге турутъуз.

Тарақъ, хата, адам, тузлу, түякъ, алим, адепли.

4. «Базыкъ» bla «Назик». Класс эки къаумгъа бёлжунеди.

Сёзледе [т] таууш базыкъ айтылса, «Базыкъны» нёгерлери ёрге турадыла, назик айтылса уа, «Назикни» нёгерлери турадыла.

Турма, тишиле, тилек, таякъ, тюкен, таууш, менг, тана, темир.

Билляча

5. Соруулагъа жууап эт. Жууаплада жаланды [т] таууш bla башланнган сёзле болургъа керекдиле.

- Сен кимсе?
- Тахир.
- Къайры бараса?
- Тюкеннге.
- Нёгеринг а кимди?
- Таужан.
- Тюкенде не аллыкъсыз?
- Турмала.

6. Сөз бёлгөм аукцион.

Устаз сөзлени бириңчи бёлгөмлерин айтады, сабийле уа ақырларын къошадыла.

Ta... (-уукъ), тама... (-та), теле... (-фон), жас... (-тыкъ), Ax... (-мат), max... (-та).

7. Башындан тюбюне дери, тюбюнден башына дери оқъугъуз.

Танг атды! Танг атды!...
Танг атды! Танг атды!...
Кечени атдан атды,
кечени атдан атды —
танг атды,
кечени атдан атды...

Бегийланы Абдуллах.

ОЮН МАТЕРИАЛ

Санаучукъ

— Орайда-ра,
Орайда!
Тай жортады орамда.
Таркъ-таркъ-таркъ! —
къара ары:
ненчалла туякълары?
Билчи, билчи терк!
— Төрт.

Ёлmezланы Мурадин.

Тилбургъучланы көлден билигиз

1. Тауукъчукъ багуш къаза,
Тюлкючок ачдан аза.
Тюлкючокню соймейдиле,
Тауукъчукъгъа иймейдиле.

Ёлmezланы Мурадин.

2. Кекелин сылай,
Жаш айтды былай:
— Менде — балта,
Сенде — салта.
Жокъду, ата,
Бизде хата.

Жокъду, ата,
Бизде хата.
Сенде – салта,
Менде – балта.

Элберле

Къарангы бауда акъ къозула. (*Тишиле*)

Къолу жокъ,
Аягъы жокъ,
Кёкге ёрлер. (*Тютюн*)

Бир чолпум барды да,
Сёзню таудан аудурады. (*Телефон*)

Къуюлуу къалмагъан,
Къуюла турса – толмагъан. (*Тенгиз*)

Жая кибик бюгюлюп,
Дуниягъа нюрю тёгюлюп. (*Тейри къылыш*)

Батмакъга батар,
Къауданда жатар. (*Тонгуз*)

Къол бла бир саугъасы,
Эл бла бир къаугъасы. (*Tauukъ*)

Соруу элберле

1. Дунияда къылыш кесмеген не затды?
– *Тюзлюк.*
2. Адам дунияда не затны унутмайды?
– *Түүгъан жерин.*
3. Тамырсыз не зат ёседи?
– *Таш.*
4. Нёгерсизни нёгери неди?
– *Таякъ.*
5. Дуниягъа сакъалы бла ким тууады?
– *Теке.*

Нарт сёзле бла айтыула

Тамбласы хар кюнню да болады.
Тамычы таш тепшер.
Татлы тилли къозу эки ананы эмер.
Тауушу кёп болса, магъанасы аз болур.
Тауну махта да, тюзню ал.

Таш бла ургъанны аш бла ур.
Ташны ата билмеген башына уур.
Темирчини юйюнде балтасы болмаз.
Тепмез тепсе, аман тебер.
Тили узунну намысы къысха.
Тилчини тили хунадан ётер.

Назмула

Тахир, Тахир, Тахир балам,
Тар ичинде журлай баргъан.
Къолда жатхан, къоян атхан,
Текелеге окъ санатхан.
Теке сойгъан, гыбыт этген,
Хан къонакътъа къалыт этген,
Атхан журу къачыш кетген.

Халкъдан.

ТОПАЙ, ТОПАЙ

Топай, Топай, тон эки,
Тюймелеринг онеки.
Санадым да, бири жокъ,
Топайчыкъны тили жокъ.

ТАУУКЪЛА

- Къанкъылдагъан тауукъла,
Не таштыгъыз?
 - Гаккыла!
 - Не этдигиз?
 - Сатдыкъ!
 - Не алдыгъыз?
 - Башпу!
 - Не болду да?
 - Къапдыкъ.
- Раштай улу Мухаммет,
Сыртха чыкъ да, хахай эт,
Гопшан бла суучукъ ал,
Тауукълагъа ашчыкъ сал,
Эшиклерин тапчыкъ ач,
Балалагъа туючюк чач.

Халкъдан.

ТАУ ЖЫРЧЫКЪ

Жырлайдыла
Жырчыкъларын
тауча,
Таучукъла да,
Тауланчыкъча,
тауча.

Беппайланы Муталип.

ТЮЛКЮ

Тюллючюкъ,
Тюллючюгюм,—
Къып-къызылды тюкчюгю.
Шошчуң-шошчуң атлаучу,
Тауукъланы урлаучу,
Хар тырнагъы — жютючюкъ,
Тюлкю, тюлкю,
Тюллючюкъ!

Ахматланы Сафарият.

Ү ү

Фонетика зарядка. Бёрю къалай улуйду? (Ү-ү-ү-ү...)

Бек если кимди?


1. Хар сёзде бирча тауушну айтыгъыз.

Үрчүкъ, уюкъла, улакъ, уку.

2. [ү] таууш bla ким кёп сёз биледи?

Түр, уллу, ууакъ, хомух, Үркүгүт, тауукъ, мұтхуз.

3. Бёллюмле къурагъыз. Ол бёллюмле bla сёзле къурагъыз.



Сурат, субай, түзлү, туман, пура, пүрч, къурма, къудору, мүгүт, булут, бурма, дүру, дүшман.

4. Жырчыкъда [у] тауушу болгъан сёзлени табыгъыз.

БЁРЮ

Мен керти бёрю болсам,
Къозучукъын ашамам,
Мен керти бёрю болсам,
Къоянчыкъыны ашамам,
У-у-у! У-у-у!


Ишлегендиле сабийле
Къяралдым пластилинден,
Аякъларым бююле,
Къулакъларым юзюле,
У-у-у! У-у-у!

Нек къоркъасыз кёрюрге –
Ушамайма бёрюге,
У-у-у! У-у-у!

Ахматланы Сафарият.

5. Бёлюмледен сёзле къурагъыз:

ур, ту, туз, су, му, чур, гъуй, лу, рат, гул, дах, ко



Жұаплары: *ургъуй, түгүл, түзлу, сурат, мудах, чурко.*

Тилбургъучын көлден билигиз

Уркъуятны – урчугъу,
Узун уууртлучугъу.
Умметни уа – улагъы,
Ургъуй къапхан къулагъы.

Ёлmezланы Мурадин.

ОЮН МАТЕРИАЛ

Элберле

Бурунчугъу биз кибик,
Къуйрукъчугъу тюз кибик. (*Ургъуй*)

Жюориј-жюориј, жюклю болду,
Аркъачыгъы тюклю болду. (Урчукъ)

Агъач къалпагъын кийди,
Хайнух ауруу тийди.
Башы айланыш, жыгъылды,
Тыгъырыкътъа тыгъылды.
Кипшиу чыгъарды аны,
Къууандырды ыннаны. (Урчукъ)

Нарт сёзле

Уллу сёлешме да, уллу къап.
Урланиган затда берекет жокъ.
Уру арты – къууру.
Урунмагъан – байыкъмаз.
Уллу терекни гитче балтачыкъ да кеседи.

Назмула

УЛАКЪЧЫКЪЛА

Улакъчыкъла, улакъчыкъла,
Ариу ёрекъулакъчыкъла,
Тюрлю-тюрло къашхачыкъла,
Бир бириңден башхачыкъла.

Жигитчикле, тиричикле,
Тюрлю кийим кийгенчикле,
Гелеу отлап, чырпы ашап,
Къаяланы сюйгенчикле.

Къулийланы Хажимуса.

УММОЧУКЪЛА

Уммочукъла келелле,
Жанаришден келелле.
Желинлерин толтуруп,
Къаймакъ, сютле берелле.

Халкъдан.

УРГЪУЙ

Гитчечик мен болсам да,
Безгек ууну жаяма,
Къапхан жерим кёбеди,
Кёп адамны жояма.

Батмакъ, ийис суулада,
Хансда, агъачда болама,
Адамлагъя, маллагъя
Къыйынлыкъла салама.

Кёп болады ургъуйла
Батмакъ, къамиш суулада,
Кесигизни сакълагъыз
Безек берген ууладан.

Шахмырзаланы Сайд.

Φ φ

Фонетика зарядка. Киптик итден къоркъса, къаллай таууш этеди?
(Φ-ф-ф...)

Бек если кимди?

1. Сёзледе бирча тауушнұ табыгъызы.

Фахму, уф-түф, сыфат, дефтер, файда, файғғамбар.

2. Сёзлени бириңчи тауушларын бирге къошсагъызы, къызычыкъыны атын окъурукъсуз.

Ферма, автобус, тауукъ, илму, маймул, ата, тюкен.

3. «Базыкъ» bla «Назик». (Оюн.)

Сёзде [ф] таууш базыкъ айтылса, «Базыкъны» нёгерлери ёрге турадыла, назик айтылса уа, «Назикни» нёгерлери турадыла.


Фабрика, фатыуа, февраль, форма, Ханийфа, фильм, ферма, Фатимат, физика.

4. [ф] таууш bla башланған адам атланы эсигизге тюшюрюгюз.

Ф

a	з	и	й			
и	л	л	я	у		
a	p	и	з	а	т	
a	m	и	л	а	т	
e	p	ð	а	y	y	c

5. Бёлюмлени окъугъуз.



6. Назмұнчукъда [ф] тауушу болған сёзлени әсигизде тутугъуз.

АРАФДАН АРАФ...

Арафдан Араф туугъанд,
Къашха эчкіден улакъ туугъанд.
Секирди да къаягъа,
Мал болду да заягъа,
Арқъама кётюрдюм,
Акъ суудан ётдюрдюм.
Акътеректе къонакъ этдим,
Олтурдум да, жомакъ этдим.

Халкъдан.

ОЮН МАТЕРИАЛ

Элбер

Бири бириңден иги –
Ала – онеки жигит.
Алай аладан бири,
Тюзю – әкинчилери –
Ёчдю суху жетерге,
Буз кёпюрле этерге. (*Февраль*)

Тилбургъучну кёлден билигиз

Филляучукъ, Фаризатчыкъ да,
Фазийчик, Фатиматчыкъ да
Фермагъа суюоп барадла,
Фердаусха болушалла.

Ёлмезланы Мурадин.

Назму

ХАР ЗАТ ДА СЕЙИРДИ АНГА

Аллай къызычыкъды Фаризат –
Тамашады анга хар зат:
Жер юсуне кюн тийгени,
Отунну отда кюйгени,
Жер жашил кийим кийгени.
Сейирсиндидери аны:
Чабакъ сууда солугъаны,
Сууну баргъаны черекде,
Къанатлы учханы кёкде,
Кёгет битгени терекде.
Сюеди къарап кёрюрге,
Китапдан окъуп билирге.
Хар затха эслеп къарайды,
Барын сейирге санайды,
Ма Фаризатчыкъ алайды.

Маммельаны Ибрахим.

X X

Фонетика зарядка. Биз къалай кюлебиз? (*Ха-ха-ха...*)

Бек если кимди?

1. [x] тауушу болгъан сёзлени эсигизде тутугъуз.

ХОРАЗ БЛА ИТ

Бир къарт кишичик bla къарт къатынчыкъ уллу жарлылыкъда жашагъандыла. Аланы уа битеу мал байлыкълары жаланда хораз bla ит болгъандыла. Ала да къарынлары тоймай жашагъандыла.

– Къарындашым, – дегенди ит хоразгъя, – кел, агъачха кетейик, аны биз мында ачдан къатарыкъбыз.

– Да, кетейик, – дегенди хораз. – Мындан аман анда да болмаз.

Алай келишип, экиси да, кёзлери къарагъан жанына барап кетип, жашау этерге бир уллу тешкни терекни сайлагъандыла. Хораз бутакътъа къоннганды. Ит а терекни тешигине кирип жукълагъанды.

Эрттенликде, танг жарый башларгъя, хораз башын кётюргенди:

– Ку-ка-рий-ку! – деп къычыргъанды.

Аны къычыргъанын тюлкю эшитгенди. Тюлкюю хораз эт ашарыгъы келгенди. Ол, терекни къатына жанлап, хоразны махтай тебирегенди:

– Ма, хораз десенг да, быллай болургъа керекди. Мен быллай къанатлыны ёмюрде да кёргенме: тюкчюклери да нечик ариудула, кикириги

да къалай къызылды, ёню нечик зынгырдауукъду! Мени къатыма учуп тюшчю, ариучугъум! – дегенни айтханды тюлкю.

– Нек тюшеме? – дегенди хораз.

– Манга къонакъ бол, ариуум, жангылмаса! Мен билюн жангы юиге кёчгеними къууанчын этеме, сенича сыйлы къонакъларымы уа къудору биртюклө бла сыйларыкъма.

– Ахшы, мен ыразыма, – дегенди хораз. – Алай манга жангыз кесимлей барыргъа ушамаз. Нёгерим да барды.

«Къаллай насыпха батылдым! – дегенди тюлкю ичинден. – Бир хоразны орунуна эки да хораз!»

– Къайдады да сени нёгеринг? – деп, тюлкю ол темицкеге ашыгъышлы чапханды.

Хыйлачы жаныгуар гумхотун ары сукъгъанлай, ит, аны сермел тутуп, къонакъ алтуун унуттургъанды.

«Нюр» журналдан.

2. [х] таууш сёзин къалайында болгъанын белгилегиз.

Хайнух, тыхыр-мухур, бахча, керох, бычхы, хазыр, ханс.

3. Сёз бёлпом аукцион.

Устаз сёзинчи кесегин айтады, сабийле уа ахырын къошладыла.

Хай... (-нүх), хап... (-чук), хур... (-ма), хур... (-мет), харе... (-кет), хор... (-лау), хы... (-чин), хур... (-жун).

4. Сёзлени биринчи тауушларын айтыгъыз.

Харбыз, хораз, хобуста, хыяр.

Билляча

5. Соруулагъа жууап этигиз. Жууаплада жаланда [х] таууш бла башланнган сёзле болургъа керекдиле.

– Сен кимсе?

– Халиймат.

– Къайда жашайса?

– Хасанияда.

– Нёгеринг а кимди?

– Ханийфа.

– Не ашайсыз?

– Харбыз.

– Андан сора уа?

– Хууан.

– Ким келтиргенди?

– Харун.

6. [х] таууш бла башланнган эр кипи атланы эсигизге тюшюрютоз.

Хызыр, Харун, Хасан, Хусей, Хаким, Хажиктүрман.

ОЮН МАТЕРИАЛ

Атлауучладан тюш

x	a	n				
a	x	ch	a			
b	o	x	ch	a		
j	a	p	x	a	kъ	
j	y	r	t	x	y	ch

Элберле

Аны бузгъа иедиле,
Къамичи бла тюедиле.
Зуулдайды,
Дуулдайды.
Ол неди? Билчи, хайда! (*Хайнүүх*)

Къат-къат тонлу,
Къарьиш бойлу. (*Хобуста*)

Узун жолну къысха этер. (*Ханар*)

Чоюнлада бишеме,
Саханлагъа тюшеме,
Балдан, жаудан толама,
Сыйлы сыйлау болама. (*Халыуа*)

Сууда тууар,
Суудан къоркъур. (*Хант туз*)

Элбер назмучукъла

Жюзден артыкъ кийимни
Биреулен кеси киеди.
Биринден бири кирсиз,
Барысы да – тюймесиз,
Кимди аны иеси?
Билген – аллымса келсин,
Соруугъа жууап берсин.
Бир жашчыкъ эшитип келди,
Соруугъа жууап берди:
– Билеме аны уста:
Хобустады, хобуста!

* * *

Башы – къызыл таракъчыкъ,
Къуйрукъчугъу – оракъчыкъ.
Бизден алгъя туруучу,
Къычырыкъдан къырыучу.
Патчахыды арбазны,
Таныдынгмы...
– Хоразны!!!

Нарт сёзле

Хайырынг жокъ эсе да, хатангы тийирме.

Халкъны жырын жырласанг,
Халкъ да эжиу этер.

Хапар бла ачны къарынын токъ эталмазса.

Хатасы болгъян киштик эшик тауушдан къоркъур.

Хуржунунг къалын болса, нёгеринг кёп болур.

Хауж кийим кийген – тешпер,
Хауж атха миннген – тюшпер.

Назму

ХАСАН БЛА ХОРАЗ

Бюгюн биринчи классдан
Экинчиге ётгенди Хасан.
Юйге къууаныш барады,
Лейланы да ашырады.

Хасан аллай бир жарыкъды,
Ол не зат да эталлыкъды.
Бир жигитлик иш тапмайды,
Айхай, бир ит да чапмайды!

«Мен айыгуну да хорларма,
Къоркъма, сени къорууларма», –
Деп махтанады ол жолда,
Портфелин ойнатыш къолда.

Хасан алай айтыр-айтмаз,
Хунадан тюшоп, бир хораз
Хасанны юсюне чапды,
Секирип, бурунундан къапды.

Хахай этип, олсагъатдан
Къячды бизни «жигит» Хасан.
Къолундан атып портфелин,
Жолда къоюп къызы нёгерин...

Маммеланы Ибрахим.

Ҙ Ҙ

Фонетика зарядка. Тауукъ балачыкъланы къалай чакъырадыла?
(Цып-цып...)

Бек если кимди?


1. Сёзледе бирча тауушну айтыгъыз.

Циркуль, цемент, цирк.

2. [Ҙ] тауушу болгъан сёзлени эсигизге тюшюрюгюз.

Больница, цех, концерт, офицер.

3. Бёллюмле къурагъыз.



ООН МАТЕРИАЛ

Тилбургъучуну кёлден билигиз

Цирк келгенди! Атам бла
Циркге барлыкъма тамбла.
Пораланы Асланбек,
Циркге бармаймыса? Нек?

Ёлmezланы Мурадин.

Ч ч

Фонетика зарядка. Къыпты, кесе туруп, къаллай таууш этеди?
(Чик-чик-чик...)

Бек если кимди?

1. Сёзлени биринчи тауушларын айтыгъыз.

Чабакъ, чалгъы, чайник, чапыракъ, чана.

2. [ч] тауушу болгъан сёзле табыгъыз, ол сёзни къалайында болгъанын айтыгъыз.

Чач, чепкен, чекчи, ачхыч, ахча, чыпчыкъ, агъач.

3. Сёз бёлюм аукцион.

Устаз сёзни биринчи бёлюмюн айтады, сабийле уа ахырын къошадыла.

*Чо... (-юн), чык... (-кыр), чыр... (-пы), чой... (-ке), чын... (-дай), чё... (-мюч),
чор... (-бат), чён... (-леу).*

4. [ч] тауушха башланнган адам атланы эсигизге тюшюрюгюз.

Чотай, Чомай, Чокка, Чапай, Чонай, Чёпеллеу.

5. Элбер назмучукъыда [ч] тауушу болгъан сёзлени айтыгъыз.

НЕДИ ОЛ?

Чычханчыкъыны марайды,
Ол кирмеген тешик жокъ,
Къуш жастыкъда жукълайды,
Къарынчыгъы болса токъ.

Тургъузуп къулакъчыгъын,
Эшикден юйге кирсе,
Ол иер тырнакъчыгъын,
Бир шыхырдау эшитсе.

Муратчыкъ bla ойнайды
Кюн тууушда арбазда,
Бек сюеди, мурулдайды,
Башчыгъын сылагъанда.

Ийнелеча, тырнакълары,
Кеси ариу, къоланчыкъ:
Антеннача, мыйыкълары...
Неди ол жаныгуарчыкъ?

Байзуллаланы Али.

Тилбургъучуну кёлден билигиз

Чыпчыкъчыкъ ариу жырлайды,
Чыгханчыкъ тары урлайды.
Чиллеаякъ къамишде
Чабакъчыкъланы марайды.

Ёлмезланы Мурадин.

ОЮН МАТЕРИАЛ

Элберле

Къолунда – къуругъу,
Белинде – тулугъу,
Суу жагъада олтуур,
Суудан тулукъ толтуур. (*Чабакъчы*)

Узункъуйрукъ Саурусхан –
Къазандагъын тауусхан. (*Чолпуу*)

Къапчыкъланы тешиучю,
Сауттагъа тюшюучю. (*Чычхан*)

Бир эшиги,
Минг тешиги. (*Чабакъ ay*)

Чайнайма, чайнайма – эримейди,
Созама, созама – юзюлмейди. (*Чайыр*)

Бир сюзгючде – минг жюзгюч. (*Чабакъ ауда чабакъла*)

Жулдузла жана чыкъда,
Ол кюнлюм бетге чыкъды.
Толкъунлана, бурула,
Тизилдиле дурула. (*Чалгзы*)

Нарт сёзле

Чабар ат жалкъасындан билинеди.

Чырпыгъа кирген кёзюне сакъ болур.

Чыбыкълыкъда бүгюлмеген
Къазыкълыкъда ийилмез.

Чакъырмагъаннга барма,
Чакъыргъандан а къалма.

Назмула

Жырлайды чыпчыкъчыкъ: Тауукъчукъ:

Чыкъ, чыкъ, чыкъ... Чёп, чёп, чёп...
Чыкъ, чыкъ, чыкъ!.. Чёп, чёп, чёп!..

Жауунчукъ: Зауукъчукъ –
Чыш, чыш, чыш... кёп чёп-леп,
Чыш, чыш, чыш... кёп чёп-леп!

Бегийланы Абдуллах.

ЧОЛПУ

Чолпу, чолпу, чолпучукъ,
Ауузу топпа-толучукъ,
Чоюнчукъгъа кириучю,
Шорчаңыкъгъа тийиучю.

Ахматланы Сафарият.

ЧАНАЧЫГЪЫМ

Чаначыгъым, чаначыгъым –
Ойнакълаучу танаачыгъым!
Тёшден бир къызыу энесе,
Ёрге уа нек эринесе?

Ёлmezланы Мурадин.

ТЮЛКЮЧЮК САНАЙДЫ

Чуу-чуу-чуул! – семизчикле!
Чуу-чуу-чуул! – әгизчикле!
Тынч турмайсыз – тюз санарча,
Бир, эки деп, жюз санарча.

Ёлmezланы Мурадин.

ЧАЛГЪЫЧЫ

Чал,
Чал, чалгъычы,

Чал,
Чал болгъунчу,
Чал.
Чал болсанг да,
Чал!
Чал!
Чал, чалгъычы,
Чал!..

Беппайланы Муталип.

ХЫЗЫРНЫ АТЧЫГЪЫ

Учхан чылпчыкъыкъыча,	Иничке түякъыкъыла
Чапхан маралчыкъыча,	Чыкъыкъыны чачдыра,
Чабады атчыгъы:	Алтын налчыкъылары
Чики-чакъ, чики-чакъ...	Себе жулдузчукульы,
Чабады атчыгъы:	Чабады атчыгъы:
Чики-чакъ, чики-чакъ...	Чики-чакъ, чики-чакъ...

Беппайланы Муталип.

Сабий булжутуучукъыла (Бириң көлден билигиз.)

Чана, чана, чанала,
Чана сойген танаала,
Учалмагъан -- чабалмаз,
Чабалмагъан -- терк бармаз.

Кязим.

Чуу-чуу-чуу ала,
Эки чычхан суу ала,
Ынна боза бишире,
Жашчыкъ отдан тюшюре.

Халкъдан.

III III

Фонетика зарядка. Жилян къаллай таууш этеди? (Ш-и-и...)

Бек если кимди?

1. Сёзледе бирча тауушну айтыгъызы.

Шаптал, аша, шаудан, шүөх, ашыкъ, шинжи.

- Устаз айтхан сөзледе [ш] таууш бар эсе, сабийле ёрге турадыла.
Шорпа, жагъа, шагъат, чарии, жазыу, шаугют, ёчеш, ожакъ.
- Сөzlени биринчи тауушларын айтыгъыз, букъъан сёзни табыгъыз.
Шеше, автобус, хууан, антенна, рама.
- Жомакъыкъытъда [ш] тауушу болгъан сөzlени айтыгъыз.

ШУЁХЛУКЪ КЪАЛАЙ БУЗУЛДУ

Эртте-эртте гутча bla кишиу жашап болгъандыла. Ала шүёхла эдиле. Экиси да ушакъ эте тургъанлай, бир кюн аланы башларында бутакъгъа къонуп тургъан чорбат чыпчыкъ:

— Мен да сизни шүёхугъуз болургъа сюөме,— дегенди.

Ит да, киштик да ыразы болгъандыла.

Бир кюн ит арбаздан узагъыракъ кетгенди. Ол заманда киштикни башына хыйла акъыл келгенди. Киштик чыпчыкъны, тутуп, ашап къояргъа сойгенди. Аны тутама деп, ариу айтып кюрешгенди. Алай чыпчыкъ, аны акъыллын ангылап, киштик жетерик жерде къонмагъанды. Ит арбазгъа кирип келгенде, бек сейир этгенди. Чыпчыгъ а ишни болгъаныча хапарлагъанды. Ол заманда ит:

— Кёзюме да кёрюнме! — деп, киштикни арбаздан къыстагъанды.

Андан бери ит bla киштик бир бирни кёрюп болмайдыла. Киштик, биятчыгча, чыпчыкъланы марлап айланады, ит а аны арбаздан къыстайды.

Шүёхун ыразы этерге сойюп, чорбат чыпчыкъ танг сайын чорбатха къонуп жырлайды.

«Нюр» журналдан.

5. Сөз бёллюм аукцион.

Устаз сёзни биринчи бёллюмюн айтады, сабийле уа сёзни ахырын къошадыла.

Шул... (-пу), шагы... (-рей), шин... (-тик), шыя... (-кы), шиби... (-ля), шарх... (-шарх).

6. [ш] таууш bla башланнган адам атланы айтыгъыз.

Шарипа, Шарапий, Шамил, Шамкызы, Шамильят.

7. Тюз айттыу.

Ша-ша-ша — ишинги бопса.
Аш-аш-аш — кимди бу жаш?
Шу-шу-шу — бери кел, кишиу.
Уш-уш-уш — кёкде уллу къуш.
Ош-опш-опш — айраннга суу къопш.

Тилбургъучну кёлден билигиз

Шарапчыкъ, буштукъ Шарап
Щётканы кёrmез, къарап.
Шоколадны уа буқъдур,
Шарап тапмаз деп бир тур!

Ёл мезланы Мурадин.

ОЮН МАТЕРИАЛ

Элберле

Къазан кибик къайнайма,
Жерни тюбюйден ура.
Улакъчыкъча ойнайма,
Билмесем да макъыра.
Бюгюн айыу балачыкъ
Бийикден бери энди,
Сейир этди баймакъчыкъ,
Кесин кёрдю да менде. (*Шаудан*)

Суугъа атхынчы – таш,
Суугъа атылса – тас. (*Шекер гырт*)

Эл ичинде бир ана
Кёп сабийни сюеди,
Анга келип киргеннге
Акъыл-билим береди. (*Школ*)

Нарт сёзле

Шапа кёп болса, аш татыусуз болур.

Шүёх болургъа жыл керек,
Жау болургъа кюн керек.

Адамладан аягъанынг
Шайтаннга кюлюш болур.

Назмула

ТАМАША

Ой, тамаша, тамаша –
Эки макъа талаша,

Чыгчыкъла табанлаша,
Чабакъла жагъалаша,
Тойюше да, жараша!

Ой, тамаша, тамаша –
Тойюше да, жараша!
Ой, тамаша, тамаша –
Тойюше да, жараша!

Уку сыйызгъы согъа,
Гебенекле къарс къагъа,
Чыгчханла уа тизилип
Тепсейдиле, сюзюлюп,
Къуйрукълары созулуп!

Маммелаңы Ибраһим.

ШАПТАЛ

Сары бишген шапталла
Татлы къабын болалла.
Жайгъы исси кюнледе
Бишип, суудан толалла.

Кёгетлени бириди,
Иссиликни сюеди,
Сары болса – бишеди,
Бишсе – жерге тюшеди.

Шахарлада, элледе
Шапталланы салыгъыз,
Суулу, баллы шапталла
Мингле bla алыгъыз.

Шахмырзаланы Сайд.

Щ щ

Фонетика зарядка.

Паровозну тютюню къаллай таууш этип чыгъады?
(Щ-щ-щ...)

Бек если кимди?

Устаз айтхан сёзледе бирча тауушнұ табыгъыз.

Щётка, ящик, борщ, площадка, плащ.

ОЮН МАТЕРИАЛ

Элбер (Кёлден билигиз.)

Зыбыр чачлыбыз биз,
Ушайбыз кирпилеге,
Бизни сюйген – кирсиз.
Даучубуз кирлилеге. (*Щёткала*)

Ы Ы

Бек если кимди?

1. Сёзледе бирча тауушну табыгъыз.

Бинна, ыстауат, атлы, тыллы, гыржын, мырхык.

2. Устаз айтхан сёзледе [ы] таууш болса, сабийле ёрге турадыла.

Ышыр, ышан, ашыкъ, эгеч, ырысхы, иничке, ындыр.

3. [ы] тауушу болгъан сёзлени эсигизге тюшюрюгюз.

Мыйыкъ, шыбырт, ыран, чынгыл, ачхыч, ышар.

4. Сёз бёлюм аукцион.

Устаз [ы] тауушу болгъан сёзлени биринчи бёлюмлерин айтады, сабийле уа ахырларын къошадыла.

*Ыр... (-ын), ыш... (-ыр), ыс... (-ас), ый... (-лыкъ), ыч... (-ын), ыз... (-ла),
ыр... (-хы).*

ОЮН МАТЕРИАЛ

Тилбургъучуну кёлден билигиз

Ыргъакъны суугъа атдым,
Ыргъай тутуп, къууандым.
Ычхынды да ыргъакъдан,
Ызындан къараап къалдым.

Ёл мезланы Мурадин.

Элберле

Суугъа кирип, бугъама,
Къонакъ алыш чыгъама. (*Ыргъакъ*)

Илкерлеча, жети жаш –
Жети туугъан къарындаш,
Жетиси да ишчиле:
Ташчыла,
Темирчиле,
Агъашчыла,
Къойчула,
Оюнчула,
Тойчула.
Алай а бизни Нухчукъ
Кичилерин сюеди.
Некми?
Ол кюн хомухчукъ
Дерсде угъай, – юйдеди. (*Ыйыкъ*)

Нарт сёзле

Ынычхагъанлыкъы, ауруу кетмез.
Ышаннган башны бёрю ашар.
Ышаныунг жокъ эсе,
Аманатдан хайыр жокъ.
Ышана эсенг – тенг бол,
Ышанмай эсенг – кенг бол.
Ышанмагъан – сынамаз,
Сынаса да, ийнанмаз.

Назму

ЫННА ШАХАРДАН КЕЛГЕНДИ

Ынна шахарда эки кюн
Туруп къайтханды бүгүн.
Ары къызына баргъанды,
Анда кёп туралмагъанды.

– Бираз нек турмадынг, ынна? –
Деп сордукъ туудукъла анга.
– Къой, къой, туралмадым анда,
Гузабада, ашыкъыгъанда.
Хар зат да такъырча, тарча,
Башынгы алый къачарча.
Ашыкъ-бушукъ, хахай-тухай,
Сыйынмай, бир бирни малтай.
Къалай жашайдыла алай?
Къоншу къоншусун танымай,

Орунда бузоу макъырмай,
Арбазда хораз къычырмай,
Гыржын этмей, ийнек саумай.
Эрттен да – чай, ингир да – чай,
Андан сора чайыр чайнай.
Биреу биреуге жол къоймай...
Кетиш къалдым, чыдаялмай.
Ох деп турсам а юйомде,
Түүдүкъларыма сюйоне
Деп, кюлюп къойду ыннака,
Жаудан сала исси какга.

Маммеланы Ибрахим.

Ә ә

Фонетика зарядка. Адам, бир затха жарсыса, къалай айтады?
(Ә-ә-әх...)

Бек если кимди?

1. Сёзледе бирча тауушну айтыгъыз.

Әгөү, әл, әлбер, әбизе, әжиу, әз.

2. [ә] таууш бла сёзле табыгъыз.

Әмен, әки, әлт, әфенди, әрин, әш, әшик, әлек.

3. Сёз бёлюм аукцион.

Устаз сёзню биринчи кесегин айтады, сабийле уа – сёзню ахырын.

Әкеу... (-лен), Әл... (-дар), әме... (-ген), әрин... (-чек).

4. Устаз айтхан сёзледе [ә] таууш болса, сабийле ёрге турадыла.

Тирмен, әрик, әриши, темир, әт, тешик, этек, әчки, терек, әркеч, четен.

Тилбургъучуну кёлден билигиз

Эртте биреу бар эди,
Әмен тиреу бар эди.
Әмегенинге эн салгъян
Әлбуздукъ деу бар эди!

Елmezланы Мурадин.

ОЮН МАТЕРИАЛ

Санау

Къарт къойчу
къойла кютеди,
жаш къойчу
ийнар этеди.

Уллу кёзлерин сюзюн,
акъ теке
алгъа ётеди.

Къом мюйозлюдю теке.
Сагыш эт да,
айт бери:
ненчалла мюйозлери?
— Эки.

Ёлmezланы Мурадин.

Элберле

Минг тешиги...
Къалай алай
Минг тешиги?

Къар тёшайди...
Къалай алай
Къар тёшайди?

Ол къар твойюл,
Агъарыргъа таш-агъач:
Санга гюттю,
Манга галау,
Анга — къалач! (Элек)

Къолда — темир,
Отда — кёмюр. (Эмен)

Уллу тюзде къар жауа. (Элекден акъегъан ун)

Нарт сёзле

Эл даусуз болмаз,
Эр жаусуз болмаз.

Эл телисиз болмаз,
Агъач бёрюсуз болмаз.

Экеу кенгешге барма,
Ючеу кенгешден къалма.
Эшилген чач тешилмез.

Назмула

ЭЛДАРЧЫКЪ САНАЙДЫ

«Бир» деген башды.
«Эки» деген къашды.
«Юч» деген а, юч деген? –
Атам, анам, мен!
Улакъыкъыны төрт аягъы,
Кокачыкъыны беш бармагъы!

Ёлmezланы Мурадин.

ЭГИЗЛЕ

Ачау bla Ачахмат –
Экиси да эгизле,
Шашмай, бирге ушагъан
Тушулухла, семизле.

Бек къыйынды аланы
Бир бирден башхарыргъа,
Эки эгиз жашчыкъыны
Энчи-энчи таныргъа.

Экисин да, бир кибик,
Аналары сюеди.
Бири сиркиулук этсе,
Экисин да тюеди.

Гуртуланы Берт.

Ю ю

Бек если кимди?

- Сёзледе бирча тауушну табыгъыз.

Юч, кюз, тюш, тюз, юйрен, юзмез, ключок, тюютон, юйор, жюзюк.

- [ю] тауушу болгъан сёзлени эсигизге тюшюрюз.

Тюзет, юреди, тюшюр, юркюн, слот, юллоши, юлгю.

3. Сабий булжутуучукъну кёлден билигиз.

Юлкю, тюлкю – бир бёлек,
Юлкю ичинде тёгерек,
Тёгерекни неси бар?
Кёремекни эси бар!

Мёчюланы Кязим.

4. Тилбургъучда [ю] тауушу болгъан сёзлени эсигизде тутугъуз.

Юзе, Юзе, Юзейир!
Юзейирчикди сейир.
Юзмезден юй къалайды,
Юйюн а суу талайды.

Ёлmezланы Мурадин.

ОЮН МАТЕРИАЛ

Санау

— Отуннга тебирей,
Хамзат
жип алды,
балта да.

Арбагъа салды
Хамзат
бир ауур
салта да.

Жарылыр ючюн
тюккюч,
шүёх, кюч керекди,
кюч!

Айтчы, айтчы,
ненча зат
салды арбагъа
Хамзат?
— Юч!

Ёлmezланы Мурадин.

Нарт сёзле

Юй ишлеген балта эшикде къалыр.
Юйюне къарама, кюйюне къара.

Ючеу билген зат жашырын болмаз.
Юшюген картоф сууукъдан къоркъмаз.

Назмула

1. Назмуда [ю] тауушу болгъан сёзлени табыгъыз.

НЮРЖАННЫ КЮНЮ

Тур, Нюржанчыкъ, тёшекден!
Кюн отоугъа киргенди,
Сен да жукълап тургъанлай,
Сени уппа этгendi.

Сабыр сылай чачынгы,
Эшикге чакъырады.
Сен ойнаучу арбазны
Ол жылтыш турады.

Ойнай, кюле, сабийле
Орамда чабадыла.
Кюн жылтыхан терекле
Бир ариу чагъадыла.

Тур, Нюржанчыкъ, тёшекден!
Балличигинг чакъыанды.
Кел, ариучукъ, эшикге,
Кюн орамгъа чыкъыанды!

«Нюр» журналдан.

ЮРКЮН

Гитче, кёксюл юркюндю.
Сабийлеге керекди.
Дугъум, тюртю терекден
Алашарақъ терекди.

Кёп хайырлы болмайла,
Кёгет берип, тойдуруп.
Не наныкъыны, дугъумну
Ашатмазын къойдуруп.

Болуулары тёгерек,
Минчакълача, кёгюрек,
Чанчылыучу шинжи бар,
Биттенидиле бир бёлек.

Шахмырзаланы Сайд.

Я я

Фонетика зарядка.

Терс болгъан сабийге анасы къалай айтыш айып этеди? (А-я-я-яй!..)

Бек если кимди?

1. Сёзледе бирча тауушну табыгъыз.

Январь, уян, элия, ящик, къая, түякъ, аяз.

2. [я] тауушу болгъан сёзле табыгъыз.

Гяпчи, хыяр, жаякъ, жаяу, уяла, илячин, осуят, мая.

3. Сёз бёлюм аукцион.

Устаз сёзлени биринчи бёлюмлерин айтады, сабийле уа ахырларын къошадыла.

Та... (-якъ), къо... (-ян), а... (-якъ), бо... (-яу), ме... (-къам), жи... (-лян), жа... (-якъ).

ОЮН МАТЕРИАЛ

Тилбургъучину кёлден билгиз

Яникойда – ой, ой,
Яникойда – той, той!
Якъупчукъ Яникойда
Яра тепсейди тойда.

Ёлmezланы Мурадин.

Элбер

Ёгюз тюйюлдю,
Ёгюзге ушаса да.
Кийик тюйюлдю,
Бийикде жашаса да –
Минсенг, –
Атлыкъ этеди ол,
Тюе жюгюн
Элтеди ол.
Туугъан жери – Тибетди.
Билчи, сагъыш эт да. (Як)

БАПЛАРЫ

Ал сёзю	3
А таууш	5
Б таууш	8
В таууш	11
Г таууш	12
Гъ таууш	15
Д таууш	17
Е таууш	19
Ё таууш	21
Ж таууш	23
З таууш	27
И таууш	29
Й таууш	31
К таууш	35
Къ таууш	38
Л таууш	42
М таууш	45
Н таууш	48
Нг таууш	51
О таууш	53
П таууш	56
Р таууш	58
С таууш	61
Т таууш	65
Ү таууш	69
Ф таууш	72
Х таууш	74
Ц таууш	78
Ч таууш	79
Ш таууш	82
Щ таууш	85
Ы таууш	86
Э таууш	88
Ю таууш	90
Я таууш	93

Учебное издание

Деваева Зайнаф Даттукаевна

УЧИМСЯ, ИГРАЯ

(Занимательное азбуковедение)

Приложение: Карточки

На балкарском языке

Редактор З. К. Гуртунева

Художник Е. В. Дроздова

Художественный редактор Ю. М. Алиев

Технический редактор Н. М. Мокаева

Корректор М. Я. Гузиева

Лицензия ИД 05895 от 21.09.01

Сдано в набор 19.06.03. Подписано к печати 26.08.03.

Формат 70×90 1/16. Бумага офсетная № 1. Гарнитура
литературная. Печать офсетная. Усл. печ. л. 7,02 +
приложение 8,5. Уч.-изд. л. 4,43 + приложение 7,24.
Тираж 1000 экз. Заказ № 242

Издательство «Эльбрус»

Нальчик, ул. Адмирала Головко, 6

Полиграфкомбинат им. Революции 1905 года

Мининформпечати КБР

Нальчик, проспект Ленина, 33

ISBN 576801886-7

A standard linear barcode representing the ISBN number 576801886-7.

9 785768 018863

Деваева З. Д.

Д Учимся, играя (Занимательное азбуковедение).
Приложение: Карточки: Пособие для учителя.—
Нальчик: Эльбрус, 2003.— 96 с.

ISBN 5-7680-1886-7

Пособие представляет собой сборник веселых и занимательных стихотворений, пословиц, поговорок, скоговорок, загадок, подобранных к каждой букве алфавита и дополняющих азбуку.

**Д 4306010200-063
М 125(03)-2003 2003**

Нальчик
«Эльбрус»
2003